

摘藻堂四庫全書薈要

經部

欽定四庫全書薈要

經部  
書傳輯錄纂注卷二



詳校官祭酒臣韋謙恒

欽定四庫全書薈要卷六百九十六

經部

書傳輯錄纂注卷二

元 董鼎 撰

朱子訂定蔡氏集傳

夏書

夏禹有天下之號也書凡四篇禹貢作於虞時而係之夏書者禹之王以是功也

禹貢

上之所取謂之賦下之所供謂之貢是篇有貢有賦而獨以貢名篇者孟子曰夏后

氏五十而貢貢者較數歲之中以為常則輯錄貢又夏后氏田賦之總名今文古文皆有  
因說禹貢云禹貢一書所記地理治水曲折多不甚可曉竊意當時治水事畢却總作此一書

故自冀州王都始如今人方量畢總作一門單耳禹自言予決九川距四海濬畎澮距川一篇禹貢不過此數語極好細看今人說禹治水始于壺口鑿龍門某未敢深信方河水洶湧其勢迅激縱使鑿下龍門恐這石仍舊壅塞又下面水未有分殺必且潰決四出蓋禹先決九川之水使各通于海又濬畎澮之水使各通于川使大水有所入小水有所歸禹只是先從低處下手若下面之水盡殺則上面之水漸淺却方可下手九川盡通則導河之功已及八分故某嘗謂禹治水當始于碣石九河蓋河患惟兗為甚兗州是河曲處其曲處兩岸無山皆是平地所以潰決常必在此故禹自其決處導之用功尤難孟子亦云禹疏九河淪濟漯而注之海蓋皆自下流疏殺其勢耳若鯨則只是築堙之所以九載而功弗成也書說禹之治水乃是自下而

上了又自上而下後人以為自上而下此大不然不先從下泄水却先從上理會下水泄未得上當愈甚是恁治水如此庚此書多句為文而尤嚴於一字之用其條理精密而義例可推固不待傍引曲證而後通學者纂註夏氏曰此篇當玩索而得之復齋集義所載非一獨以貢名篇者治水成功後條陳九州所有以為定法實以任土作貢為主故以貢名○王氏炎曰九州有賦有貢凡賦諸侯以供其國用者也凡貢諸侯以獻于天子者也挈貢名篇有大一統之義存焉

禹敷土隨山刊木奠高山大川

敷分也分別土地以為九州也奠定也定高山

大川以別州境也若兗之濟河青之海岱揚之淮海雍之黑水西河荆之荆衡徐之海岱淮豫之荆河梁之華

陽黑水是也方洪水橫流不辨區域禹分九州之地隨山之勢相其便宜斬木通道以治之又定其山之高者與其川之大者以為之紀綱此三者禹治水之要故作書者首述之曹氏曰禹別九州非用其私智天文地理區域各定故星土之法則有九野而在地者必有高山大川為之限隔風氣為之不通民生其間亦各異俗故禹因高山大川之所限者別為九州又定其山之高峻水之深大者為其州之鎮秩其祭而使其國主之也

**纂註**

新安陳氏曰定高山大川為表識乃疆理大規模功成祭告如後三言旅山亦有之苟專謂奠定祀

禮則

**冀州**

冀州帝都之地三面距河兗河之西雍河之東豫河之北周禮職方河內曰冀州是也八

州皆言疆界而冀不言者以餘州所至可見

**輯錄**

冀都正是

晁氏曰亦所以尊京師示王者無外之意  
天地中間底好風水山脉從雲中發來雲中正高脊處自脊以西之水則西流入于龍門西河自脊以東之水

則東流入于海前面一條黃河環繞石畔是華山自華  
來至中為嵩山是謂前案遂過去為泰山聳于左淮南

諸山為第二重案江南纂註唐孔氏曰冀堯都諸州冀

諸山為第三重案

格言

纂註

為先治水先從冀起為諸

州之首記其役功之法○成四百家曰冀三面距河河  
自積石東北流入中國則折而南流雍州在其西故曰

西河至華陰折而東流豫州在其南故曰南河至大伾  
又折而西北流兗州在其東故曰東河以三州考之則

冀州在東河之西西河之東南河之北此冀州境也冀  
地最廣充最狹冀今河東河北皆在焉居天下四分之

一舜分為幽并幽州燕薊幽涿朔莫等州是其域也并  
州太原澤潞晉代汾絳等州是其域也○武夷熊氏曰

冀州北距長城依山為塞即北狄之境獬狁匈奴突厥  
契丹皆居其地有天下者定都建邑長安洛陽之外此

亦一會也既載壺口經始治之謂之載壺口山名漢地志在  
河東郡北屈縣東南今隰州吉鄉縣也

○今案既載云者冀州帝都之地禹受命治水所始在所當先經始壺口等處以殺河勢故曰既載然禹治水施功之序則皆自下流始故次兗次青次徐次揚次荆次豫次梁次雍究最下故所先雍最高故獨後禹言予決九川距四海濬畎澮距川即其用工之本末先決九川之水以距海則水之大者有所歸又濬畎澮以距川則水之小者有所泄皆自下流以疏殺其勢讀禹貢之書求禹功之序當於此詳之輯錄事之辭篇內凡言既者倣此載者始有事也復齋集義予決九川距四海濬畎澮距川聖人做事便有大綱領先決九川距四海了却逐漸疏小水令至川學者亦先識箇大形勢如江河淮先合識得渭水入河上面漆沮涇等又入渭此是第二重事方子論形勢先識大綱如水則中國莫大于河南方莫大于江涇渭則入河者也先定箇大者則小者便易考又曰天下有三大水江河混同江是也混同江不知所出邪迤東南流入海其下為遼



海遼東遼西指此纂註林氏曰先儒皆以冀州既載為水而分也學蒙句蓋因註疏有賦役載書之說

據經但有既載二字無載書之意當從蘇氏以既載壺口為句詩曰倣載南畝謂始有事於南畝此亦始有事

於壺口也治梁及岐州梁岐皆冀州梁山梁山也在石

州呂梁也呂不韋曰龍門未闢呂梁未鑿河出孟門之上又春秋梁山崩左氏穀梁皆以為晉山則亦指呂梁

矣酈道元謂呂梁之石崇竦河流激盪震動天地此禹既事壺口乃即治梁也岐山在今汾州介休縣狐岐之

山勝水所出東北流注于汾酈道元云後魏於胡岐置六壁防離石諸胡因為大鎮今六壁城在勝水之側實

古河逕之險阨二山河水所經治之所以輯錄他所舉開河道也先儒以為雍州梁岐者非是山川皆

先地後績者觀成功而言也壺口梁岐太原皆先績後地者本用功之始而言也豈治之有難易歟復齋集義

纂註

陳氏大猷曰魏志梁山北有龍門禹所鑿此最用功處水患莫甚於河河莫險於龍門呂梁鑿闢疑

就狹處鑿而廣之未必如賈讓所謂墮斷天地之性也

○呂氏曰此禹最用功處故首及之孟子謂禹行其所

無事如鑿龍門析底柱闢伊闕宣無事哉鑿所當鑿不

憚難而止乃是行所無事也若避難就易而謂行所無

事可乎既修太原至于岳陽修因繇之功而修之也廣平

太岳也周職方冀州其山鎮曰霍山地志謂霍太山即

太岳在河東郡彘縣東今晉州霍邑也山南曰陽即今

岳陽縣地也堯之所都揚子雲冀州篇曰岳陽是都是

也蓋汾水出於太原經於太岳東入于河此則導汾水

也

覃懷底績至于衡漳覃懷地名地志河內郡有懷縣

今懷州也曾氏曰覃懷平地也

當在孟津之東太行之西涑水出乎其西淇水出乎其

東方洪水懷山襄陵之時而平地致功為難故曰底績

衡漳水名衡古橫字地志漳水二一出上黨沾縣大甌  
谷今平定軍樂平縣少山也名為清漳一出上黨長子  
縣鹿谷山今潞州長子縣發鳩山也名為濁漳酈道元  
謂之衡水又謂之橫水東至鄴合清漳東北至旱城入  
北河鄴今潞州涉縣也旱城今定遠軍東光縣也○又  
案桑欽云二漳異源而下流相合同歸于海唐人亦言  
漳水能獨達于海請以為瀆而不云入河者蓋禹之導  
河自洛水大陸至碣石入于海本隨西山東北去周  
定王五年河徙矜磔則漸遷而東漢初漳猶入河其後  
河徙日東而取漳水益遠至欽時河自大伾而下已非  
故道而漳自入海矣故輯錄從覃懷致功而北纂註孔  
欽與唐人所言者如此至衡漳復齋集義纂註氏  
曰漳水橫流入河故曰衡漳○曾氏曰河自大伾北流  
漳水東流而注之也形東西為橫南北為從河北流而  
漳東注則河從而漳厥土惟白壤漢孔氏曰無塊曰壤  
橫矣○沾他魚反顏氏曰柔土曰壤夏

氏曰周官大司徒辨十有二壤之物而知其種以教稼  
 穡樹藝以土均之法辨五物九等制天下之地征則夫  
 教民樹藝與因地制貢固不可不先於辨土也然辨土  
 之宜有二白以辨其色壤以辨其性也蓋草人糞壤之  
 法驛剛用牛赤緹用羊墳壤用麋渴澤用鹿糞治田疇  
 各因色性而辨其所當用也曾氏曰冀州之土豈皆白  
 壤云然者土會之纂陳氏大猷曰白言色壤言質水  
 法從其多者論也患退而後土性復色質辨始可  
 興地利定賦法也。周禮註釋五物地之五色九等驛  
 剛以下之九等緹音低絳色也渴其列反鹵也渴澤故  
 水處也會古外反計厥賦惟上上錯厥田惟中中賦田  
 也以土計貢稅之法所出  
 穀米兵車之類錯雜也賦第一等而錯出第二等也田  
 第五等也賦高於田四等者地廣而人稠也林氏曰冀  
 州先賦後田者冀王畿之地天子所自治併與場圃園  
 田漆林之類而征之如周官載師所載賦非盡出於田

也故以賦屬於厥土之下餘州皆田之賦也故先田而後賦又案九州九等之賦皆每州歲入總數以九州多寡相較而為九等非以是等田而責其出是等賦也冀獨不言貢篚者冀天子封內之地無所事於貢篚也

輯錄

常出者為正間出者為錯錯在上上之下則間出第二等也賦有九等此乃計九州歲入多寡相較

以為之等非科定取民也取民則皆用什一賦入既有常數而又有間出他等之時者歲有豐凶不能皆如其常故有錯法以通之然則雖夏法亦未嘗不通也而孟子以為不善者雖間有通融未若商周之全通於民也

東齋集傳纂註

孔氏曰多者為正少者為雜○新安陳氏曰場圃等之征載師掌之材木蒲葦等林衡澤

虞掌之金錫禽魚山人牧人畧人掌之他以類推周官九貢致邦國之用用於諸侯王畿則止於九賦斂財亦此意又案錯法東齋所引朱氏與梁州厥賦賦下蔡傳不合然蔡亦似未為的姑並存之

恒衛既從

大陸既作

恒衛二水名恒水地志出常山郡上曲陽縣恒山北谷在今定州曲陽縣西北恒山也東

入滹水薛氏曰東流合滹水至瀛州高陽縣入易水晁氏曰今之恒水西南流至真定府行唐縣東流入于滋水又南流入于衡水非古逕矣衛水地志出常山郡靈壽縣東北即今真定府靈壽縣也東入滹沱河薛氏曰東北合滹沱河過信安軍入易水從從其道也大陸孫炎曰鉅鹿北廣阿澤河所經也程氏曰鉅鹿去古河絕遠河未嘗逕邢以行鉅鹿之廣阿非是案爾雅高平曰陸大陸云者四無山阜曠然平地蓋禹河自遼相以北皆行西山之麓故班馬王橫皆謂載之高地則古河之在貝冀以及枯澤之南率皆穿西山踵趾以行及其已過信澤之北則西山勢斷曠然四平蓋以此地謂之大陸乃與下文北至大陸者合故隋改趙之昭慶以為大陸縣唐又割鹿城置陸渾縣皆疑鉅鹿之大陸不與河應而亦求之向北之地杜佑李吉甫以為邢趙深三州

為大陸者得之作者言可耕治水患既息而平地之廣  
行者亦可耕治也恒衛水小而地遠大陸地平而近河  
故其成功於纂註呂氏曰言水土平於田賦之前者其  
田賦之後纂註害大當先治也言於田賦後其害小

徐治之也島夷皮服海曲曰島海島之夷以皮服來貢也纂註新安陳氏曰島

夷曰北地寒故服用皮南地暖故服用卉先儒以皮服  
為島夷之篚非也如萊夷縻絲島夷織貝明以篚志之

此第志其服與中國異聖人亦因其俗而不革爾夾石碣石入于河碣石地志在北平郡

驪城縣西南河口之地今平州之南也冀州北方貢賦  
之來自北海入河南向西轉而碣石在其右轉屈之間

故曰夾右也程氏曰冀為帝都東西南三面距河他州  
貢賦皆以達河為至故此三方亦不必書而其北境則

漢遼東西右北平漁陽上谷之地其水如遼濡潯易皆  
中高不與河通故必自北海然後能達河也又案酈道

元言驪城枕海有石如甬道數十里當山頂有大石如柱形韋昭以為碣石其山昔在河口海濱故以誌其入貢河道歷世既久為水所漸淪入于海已去岸五百餘里矣戰國策以碣石在常山郡九門縣者恐名偶同而鄭氏以為九輯錄碣石山負海當河入海之衝自海道門無此山也

也冀州三面距河其建都實取轉漕之利朝會之便故九州之終皆言達河以紀其入帝都之道東齋集傳冀實帝都亦曰入河者為北境絕遠者言之以明海道亦可至也復齋集義禹當時治水也只理會河患餘處亦不大段用功夫河水之行不得其所故泛濫浸及他處觀禹用功初只在冀州及兗青徐雍却不甚來東南積石龍門所謂作十三載乃同者正在此處龍門至今橫石斷流水自上而下其勢極可畏向未經鑿治時龍門正道不甚泄故一派西袞入關陝一派東袞往河東故此為患最甚禹自積石至龍門着工夫最多又其上散



從西域去往往亦不甚為患行河東者多流黃泥地中故只管推洗泥汁只管凝滯淤塞故道漸狹值上流下亦多造鐵為治河器竟亦何濟賀孫纂註孔氏曰碣石海畔山

○蘇氏曰夾挾也自海入河逆濟河惟兗州兗州之域東南據濟

西北距河濟河見導水蘇氏曰河濟之間相去不遠兗州之境東南跨濟非止於濟也愚謂河昔北流兗州之

境北盡碣石河石之地後碣石之地淪入於海河益徙而南濟河之間始相去不遠蘇氏之說未必然也○林

氏曰濟古文作涉說文註云此兗州之濟也其從水從齊者說文註云出常山房子縣贊皇山則此二字音同

義異當以纂註林氏曰自兗而下八州皆以高山大川古文為正纂註定逐州之疆界序所謂別九州篇首所

謂莫高山大川也鄭漁仲謂禹貢以地名州為萬代地理家成憲○武夷熊氏曰兗州當河之下流西距河東

距濟北濱海南接徐豫之境其地平曠演迤無高山即  
今兗濟德棣魏博滄景等州之地。唐孔氏曰據謂跨  
之距至也兗州之

### 九河既道

九河爾雅一曰徒駭二曰  
太史三曰馬頰四曰覆鬴

境跨濟而過之

五曰胡蘇六曰簡潔七曰鉤盤八曰鬲津其一則河之  
經流也先儒不知河之經流遂分簡潔為二既道者既  
順其道也。案徒駭河地志云淳沱河寰宇記云在滄  
州清池南許商云在平城馬頰河元和志在德州安德  
平原南東寰宇記云在棣州滴河北輿地記云即篤馬  
河也覆鬴河通典云在德州安德胡蘓河寰宇記云在  
滄之饒安無棣臨津三縣許商云在東光簡潔河輿地  
記云在臨津鉤盤河寰宇記云在樂陵東南從德州平  
昌來輿地記云在樂陵鬲津河寰宇記云在樂陵東西  
北流入饒安許商云在鬲縣輿地記云在無棣太史河  
不知所在自漢以來講求九河者甚詳漢世近古止得  
其三唐人集累世積傳之語遂得其六歐陽忞輿地記

又得其一或新河而載以舊名或一地而互為兩說要之皆似是而非無所依據至其顯然謬誤者則班固以滹沱為徒駭而不知滹沱不與古河相涉樂史馬類乃以漢篤馬河當之鄭氏求之不得又以為九河齊威塞其八流以自廣夫曲防齊之所禁塞河宜非威公之所為也河水可塞而河道果能盡平乎皆無稽考之言也惟程氏以為九河之地已淪於海引碣石為九河之證以謂今滄州之地北與平州接境相去五百餘里禹之九河當在其地後為海水淪沒故其迹不存方九河未沒於海之時從今海岸東北更五百里平地河播為九在此五百里中又上文言夾石碣石則九河入海之處有碣石在其西北岸九河水道變遷難於推考而碣石通趾頂皆石不應仆沒今兗冀之地既無此石而平州正南有山而名碣石者尚在海中去岸五百餘里卓立可見則是古河自今以為海處向北斜行始分為九其河道已淪入於海明矣漢王橫言昔天常連雨東北風

海水溢西南出浸數百里九河之地已為海水所漸鄺道元亦謂九河碣石苞淪於海後世儒者知求九河於平地而不知求碣石有無以為之證故前後異說竟無歸宿蓋非九河之地而強鑿求之宜其支離而不能得也

**輯錄**

問齊威塞九河以富國事果然否曰當時葵丘之會申五禁且曰無曲防是時令人不得私自

防遏水流他終不成自去塞了最利害處便是這般說話亦難憑賀孫**纂註**孔氏曰河分

州界平原以北是○新安胡氏曰禹疏九河不過因河勢之自分而疏通之耳非自分之也○黼扶甫反忒莫

中**雷夏既澤**

澤者水之鍾也雷夏地志在濟陰郡城陽縣西北今濮州雷澤縣西北也山海經云

澤中有雷神龍身而人頰鼓其腹則雷然則本夏澤也因其神名之曰雷夏也洪水橫流而入于澤澤不能受

則亦泛濫奔潰故水治而後雷夏為澤

**纂註**

唐孔氏曰洪水時高原亦水澤不為澤今高地水盡此乃

為澤  
**灘沮會同**  
灘沮二水名灘水曾氏曰爾雅水自河出為灘許慎云河灘水在宋又曰汧水

受陳留浚儀陰溝至蒙為沮權則灘水即汧水東入于泗水經汧水出陰溝東至蒙為沮權則灘水即汧水也灘之下流入于  
昨水沮水地志昨水出沛國芒縣昨水其沮水歟晁氏曰爾雅云自河出為灘濟出為楚求之於韻沮有楚音  
二水河濟之別也二說未詳孰是  
**纂註**  
王氏炎曰沮出會者水之合也同者合而一也  
濮陽灘出曹州

○汧芳萬切  
**桑土既蠶是降丘宅土**  
桑土宜桑之土既蠶者可以蠶桑也

說文音汧

**桑土既蠶是降丘宅土**

蠶性惡溼故水退而後可蠶然九州皆賴其利而獨於

究言之者究地宜桑後世之濮上桑間猶可驗也地高

曰丘究地多在卑下水害尤甚民皆  
**纂註**  
林氏曰九州依丘陵以居至是始得下居平地也  
皆賴蠶桑而

究貢絲織尤宜於此故特言之○王氏炎曰今德博河間產絲最多漢志稱齊人織作水紈繡綺號為冠帶衣

履天下其地宜桑可知識之者農桑衣食之本故也

厥土黑墳厥草惟繇厥木惟

條

墳土脉墳起也如左氏所謂祭之地地墳是也繇茂條長也林氏曰九州之勢西北多山東南多水多山

則草木為宜不待書也充徐揚三州最居東南下流其地卑溼沮洳洪水為患草木不得其生至是或繇或條

或天或喬而或漸苞故於三州特言纂註馮氏曰繇抽之以見水土平草木亦得遂其性也○呂氏曰

條始長也○陳氏大猷曰充徐揚居河濟江淮下流水未平則為下溼於草木非宜水既平則為沃衍於草木

尤宜故以三

厥田惟中下厥賦貞作十有三載乃同

第田

六等賦第九等貞正也充賦最薄言君天下者以薄賦為正也作十有三載乃同者充當河下流之衝水激而湍悍地平而土疎被害尤劇今水患雖平而卑溼沮洳未必盡去土曠人稀生理鮮少必作治十有三載然後

賦法同於他州此為田賦而言故其文屬於厥賦之下  
先儒以為禹治水所歷之年且謂此州治水最在後畢  
州為第九成功因以上文厥賦貞者謂賦亦輯錄兗州  
第九與州正為相當殊無意義其說非是

輯錄兗州水患

最深作治十三年乃有賦法與他州同案禹治水八年  
此言十三載者通始治水八年言之則此州水平其後

東齊集傳

他州五年歟禹用功處多在河所以於兗州下記作十有三

載乃同此言專為治河也兗州是河患甚處正今之滑  
衛州也若其他江水兩岸多是山石想亦無泛濫之患

禹自不須大厥貢漆絲厥篚織文

貢者下獻其土所有於上也兗地宜漆宜

桑故貢漆絲也篚竹器篚屬也古者帶帛之屬則盛之  
以篚篚而貢焉經曰篚厥玄黃是也織文者織而有文

錦綺之屬也以非一色故以織文總之林輯錄貢者諸  
氏曰有貢又有篚者所貢之物入於篚也

子故畿外八州皆有貢織

**纂註**

林氏曰八州之貢充雍

文綾羅之屬

復齊集義

最寡荆揚最多○呂氏

曰八州之貢皆衣服器用

**浮于濟漯達于河**

舟行水曰浮漯者河

之物所謂惟正之供也  
之支流也充之貢賦浮濟浮漯以達於河也帝都冀州  
三面距河達河則達帝都矣又案地志曰漯水出東郡  
東武陽至千乘入海程氏以為此乃漢河與漯  
殊異然亦不能明言漯河所在未詳其地也  
**海岱惟**

**青州**

青州之域東北至海西南距岱泰山

**纂註**

孔氏曰東

北據海西南距岱○唐孔氏曰青州東北跨海至遼東  
皆舜為十二州分青州為營州營州即遼東是也漢  
公孫度據遼東自號青州刺史越海收東萊諸郡堯時  
青州當越海而有諸郡也○武夷熊氏曰青州東北踰  
海西南距岱遼東朝鮮等處皆青州之境亦以其地曠  
隔故分為營州今岡南之平蠻等州是也青齊乃東方



形勝要害之地世號為東西秦秦得百二齊亦得十二  
蓋可見矣古者建侯樹國最為重鎮大抵齊之地最為  
富強近利故孔子謂

**嶠夷既略**

嶠夷薛氏曰今登州之地略經略為之封畛也

即堯典**濰淄其道**

濰淄二水名濰水地志云出琅瑯郡箕縣今密州莒縣東北濰山也北至

都昌入海今濰州昌邑也濰水地志云出泰山郡萊蕪  
縣原山今濰州濰川縣東南七十里原山也東至博昌  
縣入濟今青州壽光縣也其道者水循其道也上文言  
既道者禹為之道也此言其道者泛濫既去水得其故  
道也林氏曰河濟下流充受之淮下流徐受之江漢下  
流揚受之青雖近海然不當衆流之衝但濰淄二水順  
其故道則其功畢矣比

**厥土白墳海濱廣斥**

濱涯也海涯之地廣

漠而斥鹵許慎曰東方謂之斥西方

**纂註**

孔氏曰言復其斥鹵○林

氏曰此州土有二種平地之土色白而性墳海濱之土彌望皆斥鹵厥田惟上下厥賦中

上田第三賦厥貢鹽絺海物惟錯岱畎絲枲鉛松怪石

萊夷作牧厥篚檿絲鹽斥地所出絺細葛也錯雜也海物非一種故曰錯林氏曰既總謂

之海物則固非一物矣此與揚州齒草羽毛惟木文勢正同錯蓋別為一物如錫貢磨錯之錯理或然也畎谷也岱山之谷也枲麻也怪石怪異之石也林氏曰怪石之貢誠為可疑意其必須以為器用之飾而有不可闕者非特貢其怪異之石以為玩好也萊夷顏師古曰萊山之夷齊有萊侯萊人即今萊州之地作牧者言可牧放夷人以畜牧為生也檿山桑也山桑之絲其韌中琴瑟之弦蘇氏曰惟東萊為有此絲以之為絃其堅韌異常萊人謂輯錄萊夷及揚之島夷間於貢篚之間竊意

之山璽

輯錄

時貢土物以見來王之意歟

東齋集傳

纂註

蔡氏元度

曰貢物不以精麤為叙而以多寡為叙

青州鹽居多故叙於先他倣此○林氏曰凡貢不

言所出之地者以一州所出皆可貢也言所出之地者

以此地所出為良也○爾雅縻絲出東萊孫氏曰縻絲

出於萊夷玄縞出於淮夷織貝出於

島夷故青揚徐叙厥篚於三夷之下浮于汶達于濟

汶水

出泰山郡萊蕪縣原山今襲慶府萊蕪縣也西南入濟

在今鄆州中都縣也蓋淄水出萊蕪原山之陰東北而

入海汶水出萊蕪原山之陽西南

海岱及淮惟徐州

徐州

而入濟不言達河者因於兗也

海岱及淮惟徐州

徐州

之域東至海南至淮北至岱而西不言濟者岱之陽濟

東為徐岱之北濟東為青言濟不足以辨故略之也爾

雅濟東曰徐州者商無青并青於徐也周禮正東曰青

州者周無徐并徐於青也林氏曰一州之境必有四至

七州皆止二至蓋以鄰州互見至此州獨載其三邊者

止言海岱則嫌於青止言淮海則嫌於揚故必曰海岱

及淮而後徐州纂註武夷熊氏曰徐州之境東抵海南之疆境始別也

不廣蘇氏以徐州三面距山一面皆平野曠土沂泗諸水在其前冀東與兗豫之地皆可接引而在懷抱拱揖之內亦東方一形勝也徐即魯境地連淮海東夷其俗有二曲阜沂泗則禮義文雅之邦而彭城則其俗又雄傑驚悍自負劉項起於豐沛朱全忠以碭山人淮夷徐我皆在其地牧守之任亦不可不重慎也

淮沂

其又

淮沂二水名淮見導水曹氏曰淮之源出于豫之境至揚徐之間始大其泛濫為患尤在於徐故淮

之治於徐言之也沂水地志云出泰山郡蓋縣艾山今沂州沂水縣也南至于下邳西南而入于泗曹氏曰徐州水以沂名者非一酈道元謂水出尼丘山西北徑魯之雩門亦謂之沂水水出泰山南武陽之冠石山亦謂之沂水而沂水之大則出於泰山也又案徐之水有泗有汶有汴有鄆而獨以淮沂言者周職方氏青州其川淮

泗其浸沂沭周無徐州蕪之於青周之青即禹之徐則徐之川莫大於淮淮又則自泗而下凡為川者可知矣

徐之浸莫大於沂沂又則自  
**纂註** 郿音術 蒙羽其藝 蒙羽

二山名蒙山地志在泰山郡蒙陰縣西南今沂州費縣也羽山地志在東海郡祝其縣南今海州朐山縣也藝

者言可  
**纂註** 林氏曰蒙山即語東蒙詩奄有龜蒙羽山種藝也  
**纂註** 即繇亟處○王氏炎曰先淮後沂先大而

後小也先蒙後羽先高而後下也淮  
**大野既豬** 大野澤名地志

沂又而後蒙羽可藝事之相因也  
**大野既豬** 大野澤名地志

在山陽郡鉅野縣北今濟州鉅野縣也鉅即大也水蓄而復流者謂之豬案水經濟濟水至垂氏縣分為二南為

荷北為濟酈道元謂一水東南流一水東北流入鉅野澤則大野為濟之所絕其所聚也大矣何承天曰鉅野廣大南導沭泗北連清濟徐之有濟於是乎見又  
**纂註**

郿州中都西南亦有大野陂或皆大野之地也

曾氏曰職方河東曰兗州其澤藪曰大野大野濟水之所絕則禹之時蓋在徐之西兗之東也周無徐故專屬兗

### 東原底平

東原漢之東平國今之鄆州也晁氏曰東平自古多水患數徙其城咸平中又徙城

於東南則其下溼可知底平者水患已去而底於平也後人以其地之平故謂之東平又案東原在徐之西北而謂之東者以在濟東故也東平國在景帝纂註王氏亦謂濟東國云蓋知大野東原所以志濟也纂註曰大野豬而後東原平亦事之相因也○曾氏曰淮沂水之流者大野水之止者蒙羽地之高者東原地之平者無不厥土赤埴墳草木漸包土黏曰埴埴也黏泥如治也

### 厥土赤埴墳草木漸包

脂之膩也周有搏埴之工

老氏言埴埴以為器惟土性黏膩細密故可搏可埴也漸進長也如易所謂木漸言其日進於茂而不已也包叢生也如詩之所謂如竹

### 厥田惟上中厥賦中中

田第

包矣言其叢生而齊也

賦第五  
等也

厥貢惟土五色羽畎夏翟嶧陽孤桐泗濱浮磬

淮夷蠙珠暨魚厥篚玄纁綺

徐州之土雖赤而五色之土亦間有之故制以為貢

周書作雒曰諸侯受命于周乃建大社于國中其壝東青土南赤土西白土北驪土中央疊以黃土將建諸侯鑿取其方面之土苞以黃土苴以白茅以為土封故曰受削土于周室此貢土五色意亦為是用也羽畎羽山之谷也夏翟雉具五色其羽中旌旄者也染人之職秋染夏鄭氏曰染夏者染五色也林氏曰古之車服器用以雉為飾者多不但旌旄也曾氏曰山雉具五色出于羽山之畎則其名山以羽者以此歟嶧山名地志云東海郡下邳縣西有葛嶧山古文以為嶧山下邳今淮陽軍下邳縣也陽者山南也孤桐特生之桐其材中琴瑟詩曰梧桐生矣于彼朝陽蓋草木之生以向日者為貴也泗水名出魯國下縣桃墟西北陪尾山源有泉四

泉俱導因以為名西南過彭城又東南過下邳入淮卞縣今襲慶府泗水縣也濱水旁也浮磬石露水濱若浮於水然或曰非也泗濱非必水中泗水之旁近浮者石浮生土中不根着者也今下邳有石磬山或以為古取磬之地曾氏曰不謂之石者成磬而後貢也淮夷淮之夷也蠙蚌之別名也暨及也珠為服飾魚用祭祀今濠泗楚皆貢淮白魚亦古之遺制歟夏翟之出于羽畎狐桐之生于嶧陽浮磬之出于泗濱珠魚之出于淮夷各有所產之地非他處所有故詳其地而使貢也玄赤黑色幣也武成曰篚厥玄黃織縞皆繒也禮曰及期而大祥素縞麻衣中月而禫禫而織記曰有虞氏縞衣而養老則知織縞皆繒之名也曾氏曰玄赤而有黑色以之為袞所以祭也以之為端所以齋也以之為冠以為首服也黑經白緯曰織織也縞也皆去凶即吉之所服也

纂註

農師曰桐性便溼地不生於岡詩傳曰梧桐不生



高岡太平而後生朝陽以此觀之生山陽難得而生孤者尤難得也。○孔氏曰水中見石可以為磬。○陳氏大

猷曰石輕浮可為磬者成而貢之磬聲清越取輕浮者

良今海濱亦有浮石。○孔氏曰玄黑縉縞白縉纖細也

織在中明二物皆當細。○新安胡氏曰玄纖縞三色縉

也端取其正謂士服衣袂二尺二寸屬幅廣袤等也

浮于淮泗達于河

許慎曰汧水受陳留浚儀陰溝至蒙為灘水東入于泗則淮泗之可以達

于河者以灘至于泗也許慎又曰泗受汭水東入淮蓋泗水至大野而合汭然則泗之上源自汭亦可以通河

也 淮海惟揚州

揚州之域北至海輯錄薛常州作地志不淮東南至于海

曰此二州是其所經歷古今不同難下手故不作諸葛誠之要補之以其只見冊子上底故也地理最難理會

全合禹貢不着了書說

纂註

武夷熊氏曰揚州在地東南隅以地勢言也山必起於西北澤必匯於東

南經言淮海惟揚州北距淮東至南海閩粵雖上古未  
通亦當在要荒之服禹會諸侯於塗山會稽又禹迹之  
所至矣西抵荊州之境淮之西當在桐柏荊州之界江  
之西當在衡漳之界其地乃淮東西江東西及兩浙之  
地建都於江南者金陵豫章亦都會然畫江淮以自保  
僅可以偏霸欲以規恢中原奄有四海則自古以來未  
之有

**彭蠡既豬**

彭蠡地志在豫章郡彭澤縣東合江西江東諸水跨豫章饒州南康軍三州之

地所謂鄱陽湖者是也詳見導水

**陽鳥攸居**

陽鳥隨陽之鳥謂鴈也今惟彭蠡洲渚之間千百為

羣記陽鳥所居猶夏小正記鴈北鄉也言澤水既

**纂註**

唐孔氏曰日行夏至漸南至漸北鴻鴈九月而南三

正月而北左思蜀都所謂木落南翔水泮北徂是也

**江既入**

唐仲初吳都賦注松江下七十里分流東北入海者為婁江東南流者為東江併松江為三江

其地今亦名三江口吳越春秋所謂范蠡乘舟出三江之口者是也○又案蘇氏謂岷山之江為中江岷冢之江為北江豫章之江為南江即導水所謂東為北江東為中江者既有中北二江則豫章之江為南江可知今案此為三江若可依據然江漢會於漢陽合流數百里至湖口而後與豫章江會又合流千餘里而後入海不復可指為三矣蘇氏知其說不通遂有味別之說禹之治水本為民去害豈如陸羽輩辨味烹茶為口腹計邪亦可見其說之窮矣以其說易以惑人故并及之或曰江漢之水揚州巨浸何以不書曰禹貢書法費䟽鑿者雖小必記無施勞者雖大亦略江漢荊州而下安於故道無俟濬治故在不書況朝宗于海荊州固備言之是亦可以互見矣此輯錄先生說三江之說多不同錄問正禹貢之書法也輯錄東坡之說如何曰東坡不曾親見東南水勢只是意想硬說且江漢之水到漢陽軍已合為一不應至揚州復言三江薛士龍說震澤下有三角

江入海疑他曾見東南水勢說得恐是。書中極有難  
 考處只如禹貢說三江及荆揚間地理是吾輩親目見  
 者皆有疑至北方即無疑此無他是纂註新安陳氏曰  
 不曾見耳大雅餘見後九江彭蠡說  
 說顏師古以為中江南江北江郭景純以為岷江浙江  
 松江韋昭以為松江浙江浦陽江王介甫以為一江自  
 義興一江自毗陵一江自吳縣皆據所見而言非禹舊  
 迹也皆不必取既入海也。陳氏大猷曰古有九河  
 後合為一古有滎澤後埋為地安知彭蠡之下禹平水  
 時有三江而後或合為一乎鄺道元謂東南地卑萬水  
 所湊觸地成川故川舊瀆難以為憑禹迹之不可考者  
 多矣凡捨經文而指後世流派之分合水道之通塞地  
 名之同異以為說者以論後世之震澤底定震澤太湖也周職方  
 地理則可以論禹迹之舊則難也  
 揚州藪曰具區地志在吳縣之西南五十里今蘇州吳  
 縣也曾氏曰震如三川震之震若今湖翻是也具區之

水多震而難定故謂之震澤底

纂註

新安陳氏曰韋昭註國語太湖即五

湖書謂之震澤爾雅謂之具區職方曰揚州藪曰具區浸曰五湖又不同

篠簜既敷厥草惟

天厥木惟喬厥土惟塗泥

篠箭竹簜大竹郭璞曰竹闊節曰簜敷布也水去竹已布

生也少長曰夭喬高也塗泥

纂註

王氏炎曰少長曰夭猶言桃之夭夭上疎

水泉溼也下地多水其土淖

纂註

王氏炎曰少長曰夭猶言桃之夭夭上疎

曰喬猶言南有喬木南方地暖故草木皆少長而木多上疎河朔地寒雖合抱之木不能高也充徐言草木皆

居厥土之下凡土無高下燥溼其性皆然蕪山林言之也若揚之塗泥惟言沮洳之多山林不與故先草木也

青不言草木而貢有松檟絲則可知矣揚言之而荆亦不言然貢有枕幹等亦可知矣蓋充青相同荆揚為一

惟徐漸苞

厥田惟下下厥賦下上錯

田第九等賦第七等雜出第六

等也言下上上錯者以本設賦九等分為三纂註王氏

曰

品下上與中下異品故變文言下上上錯也土塗泥故其田下下大抵南方水淺土薄不如北方地

力之厚也○林氏白田最下而賦第七或第六者人工修厥貢惟金三品瑤琨篠簜齒草羽毛惟木島夷卉服

厥篚織貝厥包橘柚錫貢

三品金銀銅也瑤琨玉石名詩曰何以舟之惟玉及瑤琨

說文云石之美似王者取之可以為禮器篠之材中於矢之筈簜之材中於樂之管簜亦可為符節周官掌節有英蕩象有齒犀兕有草鳥有羽獸有毛木楸梓豫章之屬齒草可以成車甲羽毛可以為旌旄木可以備棟宇器械之用也島夷東南海島之夷卉草也葛越木繇之屬織貝錦名織為貝文詩曰貝錦是也今南夷木繇之精好者亦謂之吉貝海島之夷以卉服來貢而織貝之精者則入篚焉包裹也小曰橘大曰柚錫者必待錫

命而後貢非歲貢之常也張氏曰必錫命乃貢者  
供祭祀燕賓客則詔之口腹之欲則難於出令也纂註

唐孔氏曰貝水介蟲有文彩○蘇氏曰橘柚苟常貢則  
勞害如漢唐荔枝矣○唐孔氏曰橘柚與荆之大龜豫

之磬錯皆非常貢故言於厥篚之下○  
玉篇苟各旱反正作簞又廣韵加我反  
沿于江海達于

淮泗

順流而下曰沿沿江入海自海而入淮泗不言達  
于河者因於徐也禹時江淮未通故沿於海至吳

始開邗溝隋人廣之而江淮舟船始通也  
孟子言排淮泗而注之江記者之誤也輯錄孟子言

而注諸海決汝漢排淮泗而注之江據今水路及禹貢  
所載惟漢入江汝泗自入淮而淮自入海分明是誤蓋

一時牽於文勢而不暇考其實爾纂註陳氏大猷曰循  
今人強為之解釋終是可笑

之險者莫如江海遇風濤多沿岸而行所以獨言沿不  
言浮以著其險也○王氏炎曰充言浮于濟漯達于河

故青言浮于汶達于濟徐言浮于淮泗達于河故揚言沿于江海達于淮泗皆因上文以互見也。玉篇邠古

寒戶安

荆及衡陽惟荊州

荊州之域北距南條荊山南盡衡山之陽荆衡各見導山

唐孔氏曰荊州以衡山之陽為至者蓋南方惟衡山輯為大以衡陽言之見其地不止此山而猶包其南也輯

錄

禹治水時想亦不曾遍歷天下如荊州乃三苗之國不成一一皆到往往是使官屬去彼相視其山川具

圖說以歸作此一書耳故今禹貢所載纂註曾氏曰有南方山川多與今地面上所有不同廣纂註兩荆山此

荊州之荆山非雍州荆岐既旅之荆山此荆山其南為荊州其北為豫州漢志此荆山在南郡今襄陽府臨沮

縣衡山在長沙今潭州湘南縣北距荆山南及衡陽為荊州即今湖南湖北之地也今江西亦半屬荊州。武

夷熊氏曰荊州之地亦廣北接雍豫之境南逾五嶺即越之南徼也越雖上古未通已當在要荒之服東抵揚



州之境西抵梁州及西南夷等處皆楚地也揚州之境自兩浙為吳越之外江淮皆楚境或謂建都於江南者當以南陽為正其北接連中原東通吳西接巴蜀南控蠻粵故諸葛亮以為用武之國英雄之所必爭凡自北而攻南自南而窺北未有不先得此而後

江漢朝宗于

海

江漢見導水春見曰朝夏見曰宗朝宗諸侯見天子之名也江漢合流于荆去海尚遠然水道已安而無

有壅塞橫決之患雖未至海而其勢輯錄江漢發源梁已奔趨於南猶諸侯之朝宗于王也輯錄江漢發源梁

在揚州至荊州合流迅疾以纂註王氏炎曰漢水入江趨海有似於朝宗復齋集義纂註處在漢陽軍大別山

下正屬荊九江孔殷九江即今之洞庭也水經言九江之域九江孔殷在長沙下雋西北楚地記曰巴陵

瀟湘之淵在九江之間今岳州巴陵縣即楚之巴陵漢之下雋也洞庭正在其西北則洞庭之為九江審矣今

沅水漸水元水辰水叙水酉水澧水資水湘水皆合於  
洞庭意以是名九江也孔甚殷正也九江水道甚得其  
正也○案漢志九江在廬江郡之尋陽縣尋陽記九江  
之名一曰烏江二曰蟬江三曰烏白江四曰嘉靡江五  
曰畎江六曰源江七曰廩江八曰提江九曰箇江今詳  
漢九江郡之尋陽乃禹貢揚州之境而唐孔氏又以爲  
九江之名起於近代未足爲據且九江派別取之邪亦  
必首尾短長大略均布然後可目之爲九然其一水之  
間當有一洲九江之間沙水相間乃爲十有七道而今  
尋陽之地將無所容況沙洲出沒其勢不常果可以爲  
地理之定名乎設使派別爲九則當曰九江既道不應  
曰孔殷於導江當曰播九江不應曰過九江反復參考  
則九江非尋陽明甚本朝胡氏以洞庭爲九江者得之  
曾氏亦謂導江曰過九江至于東陵東陵今之巴陵今  
巴陵之上卽洞庭也因九水所合遂名九江故下文導  
水曰過九江經之例大水合小水謂之過則洞庭之爲

九江益輯錄

見後九江彭蠡說外錄輯一段

沱潛既道

爾雅曰水自江出為沱自漢出為潛凡水之出於江漢者皆有此名此則荊州江漢之出者也今案南郡枝江縣有沱水然其流入江而非出於江也華容縣有夏水首出於江尾入於沔亦謂之沱若潛水則未有見也

纂註

王氏炎曰沱水在今江陵府枝江縣土人謂枝江為百里洲夾江沱二水之間其與江分處謂之上

沱與江合處謂之下沱隋志南郡松滋縣有沔沔即古潛字故史記云沱沔既耐今松滋分為潛江縣矣雲

土夢作乂

雲夢澤名周官職方荊州其澤藪曰雲夢方八九百里跨江南北華容枝江江夏安陸皆

其地也左傳楚子濟江入于雲中又楚子以鄭伯田于江南之夢合而言之則為一別而言之則二澤也雲土者雲之地土見而已夢作乂者夢之地已可耕治也蓋雲夢之澤地勢有高卑故水落有先後人工有早晚也

輯錄

江陵之下岳州之上是雲夢又連岳州是雲夢節

厥土惟塗泥厥田

惟下中厥賦上下

一荆州之土與揚州同故田比揚只加一等而賦為第三等者地闊而人工

修也厥貢羽毛齒革惟金三品杔榦栝柏礪砥砮丹惟箇

簠楮三邦底貢厥名包匭菁茅厥篚玄纁璣組九江納

錫大龜

荆之貢與揚州大抵多同然荆先言羽毛者漢孔氏所謂善者為先也案職方氏揚州其利金

錫荆州其利丹銀齒草則荆揚所產不無優劣矣杔栝柏三木名也杔木似栝而可為弓榦栝木柏葉松身礪

砥皆磨石砥以細密為名礪以麤穢為稱砮者中矢鏃之用肅慎氏貢石砮者是也丹丹砂也箇簠竹名楮木

名皆可以為矢董安于之治晉陽也公宮之垣皆以荻蒿苦楚廩之其高丈餘趙襄子發而試之其堅則箇簠

不能過也。則筍簾蓋竹之堅者，其材中矢之奇，楷肅慎氏貢楷矢者是也。三邦未詳其地，底致也。致貢筍簾楷之有名者也。匭匭也。菁茅有刺而三脊，所以供祭祀。縮酒之用，既包而又匭之，所以示敬也。齊桓公責楚貢包茅不入，王祭不供，無以縮酒。又管子云：江淮之間一茅而三脊，名曰菁茅。菁茅一物也。孔氏謂菁以為簋者，非是。今辰州麻陽縣苞茅山出苞茅，有刺而三脊，纁周禮染人夏纁玄纁絳色帶也。璣珠不圓者，組綬類。大龜尺有二寸，所謂國之守龜，非可常得，故不為常貢。若偶得之，則使之納錫於上，謂之納錫者，下與上之辭，重其事也。

**纂註**

孔氏曰：幹柘也。蘇氏曰：柘也。以為弓幹。周禮菁茅春官司尊彝醴齊縮酌，註云：以茅縮。

去滓也。鄭氏曰：染纁者，三入而成，又再染以黑，則為緇。又再染以黑，則為緇。玄纁之法也。此州染玄纁色善，故貢之。新安陳氏曰：錫貢如敷錫之錫，上錫下也。納錫如師錫之錫，下錫。

上也。○史記龜策傳云：龜千歲滿尺二寸，浮于江沱，潛漢逾于洛，至于南河。

江沱，潛漢其水道之出入不可詳，而大勢則自江沱而入，潛漢也，逾越也。漢與洛不通，故舍舟而陸以達于洛。

自洛而至于南河也。程氏曰：不往浮江，漢兼用沱，潛者隨其貢物所出之便，或由經流，或循枝派，期於便事而

已。纂註

王氏曰：江沱，潛漢均與洛不通，必陸行逾洛，然後由洛可至南河。凡曰逾，皆水道不通，遵陸而

後能達也。逾于沔，同義。

荊河惟豫州

豫州之域，西南至南，條荊山，北距大河。

輯錄

周

公定豫州為天地之中，東西南北各五千里。今北邊無極，而南方交趾，際海道里長短，實殊，何以云各五千里？曰：此但以中國地段四方相去言之，未說極邊與際海處。周公以土圭測天地之中，則豫州為中，而南北東西際天，各遠許多，至於北遠而南近，則地

纂註

武夷熊氏曰：豫州居

形有偏耳，所謂地不滿東南也。

格言

天下之中四方道里適均故古人於此定都不但形勢  
之所在亦朝會貢賦之便湯之亳今河南偃師縣是也  
成王之洛邑今河南洛陽縣是其地北距河南抵荆  
山東抵徐西抵雍梁今為河南府號鄭汝洙蔡唐鄧  
汴宋等伊洛瀍澗既入于河伊水山海經曰熊耳之山  
州之地伊洛瀍澗既入于河伊水出焉東北至洛陽縣  
南北入于洛郭璞云熊耳在上洛縣南今商州上洛縣  
也地志言伊水出弘農盧氏之熊耳者非是洛水地志  
云出弘農郡上洛縣冢領山水經謂之譚舉山今商州  
洛南縣冢嶺山也至鞏縣入河今河南府鞏縣也瀍水  
地志云出河南郡穀城縣替亭北今河南府河南縣西  
北有古穀城縣其北山實瀍水所出也至偃師縣入洛  
今河南府偃師縣也澗水地志云出弘農郡新安縣東  
南入于洛新安在今河南府新安澠池之間今澠池縣  
東二十三里新安城是也城東北有白石山即澗水所  
出酈道元云世謂之廣陽山然則澗水出今之澠池至

新安入洛也伊瀍澗水入于洛而洛水入于河此言伊洛瀍澗入于河若四水不相合而各入河者猶漢入江江入海而荊州言江漢朝宗于海意同**滎波既豬**滎波蓋四水竝流小大相敵故也詳見下文**滎波**名濟水自今孟州溫縣入河潛行絕河南溢為滎在今鄭州滎澤縣西五里敖倉東南敖倉者古之敖山也案今濟水但入河不復過河之南滎瀆水受河水有石門謂之滎口石門也鄭康成謂滎今塞為平地滎陽民猶謂其處為滎澤酈道元曰禹塞淫水於滎陽下引河東南以通淮泗濟水分河東南流漢明帝使王景即滎水故瀆東注後儀謂之後儀渠漢志謂滎陽縣有狼蕩渠首受濟者是也南曰狼蕩北曰後儀其實一也波水周職方豫州其川滎雒其浸波澹爾雅云水自洛出為波山海經曰婁涿之山波水出其陰北流注于穀二說不同未詳孰是孔氏以纂註玉篇澹仄祭導荷澤被孟豬滎波為一水者非也

纂註

玉篇澹仄祭

導

荷澤被孟豬



荷澤地志在濟陰郡定陶縣東今興仁府濟陰縣南三里其地有荷山故名其澤為荷澤也蓋濟水所經水經謂南濟東過冤句縣南又東過定陶縣南又東北荷水東出焉是也被及也孟豬爾雅作孟諸地志在梁國睢陽縣東北今南京虞城縣西北孟諸澤是也曾氏曰被覆也荷水衍溢導其餘波入于孟豬不常入也故曰被纂註其俱切

厥土惟壤下土墳壚

土不言色者其色雜也壚疏也顏氏曰玄

而疏者謂之壚其土有纂註

王氏炎曰下土下等之土也壤則為沃墳壚則為瘠

如青厥土白墳海濱廣斥是也

厥田惟中上厥賦錯

上中

田第四等賦第二等雜出第一等也

厥貢漆枲絺紵厥篚織纊錫貢

磬錯

林氏曰周官載師漆林之征二十有五周以為征而此乃貢者蓋豫州在周為畿內故載師掌其征

而不制貢禹時豫在畿外故有貢也推此義則冀不言貢者可知顏師古曰織紵以為布及練然經但言貢帛與紵成布與未成布不可詳也續細繅也磬錯治磬之錯也非所常用之物故非常貢必待錫命而後納也與揚州橘柚同然揚州先言橘柚而此先言錫貢者橘柚言包則於厥篚之文無嫌故言錫貢在後磬錯則與厥篚之文嫌於相屬故言錫纂註孔氏曰織續細繅○林貢在先蓋立言之法也氏曰織自為一物○新

安陳氏曰徐之玄織縞則織為浮于洛達于河豫州去總此之織續則當為細孔說是

近豫之東境徑自入河豫之華陽黑水惟梁州梁州之西境則浮于洛而後至河也

華山之南西據黑水華山即纂註曾氏曰華山即西嶽太華見導山黑水見導水

梁州其陰為雍州○武夷熊氏曰梁州即今全蜀之地成都潼川興元利州夔州等路五十四州之地是也或

言秦以前未嘗通至秦鑿山開道闕塞始通恐止言金牛一道耳下言岷嶓沱潛蔡蒙和夷禹之故迹皆可見何嘗不通中國也大抵蜀地北與秦隴接壤實為天下要脊世治則順比後從世亂則阻險割據任擇牧守最難其人不可

### 岷嶓既藝

岷嶓二山名岷山地志在蜀郡蒲氏道西徼外在今茂州汶山

縣江水所出也晁氏曰蜀以山近江源者通為岷山連峰接岫重疊險阻不詳遠近青城天彭諸山之所環遶皆古之岷山青城乃其第一峰也嶓冢山地志云在隴西郡氐道縣漾水所出又云在西縣今興元府西縣三泉縣也蓋嶓冢一山跨于兩縣云川原既潄水去不滯而無泛溢之患其山已可種藝也

纂註王氏曰

江漢發源此州方江漢之源未潄水或汎溢二山下其地有荒而不治者今既可種藝知二水之順流也

沱

### 潛既道

此江漢別流之在梁州者沱水地志蜀郡郫縣江沱在東西入大江郫縣今成都府郫縣也又

地志云蜀郡汶江縣江沱在西南東入江汶江縣今永  
 康軍導江縣也潛水地志云巴郡宕渠縣潛水西南入  
 江宕渠今渠州流江縣也酈道元謂宕渠縣有大穴潛  
 水入焉通置山下西南潛出南入于江又地志漢中郡  
 安陽縣瀟谷水出西南入漢瀟音潛安陽縣今洋州真  
 符縣也○又案梁州乃江漢之源此不志者岷之藝導  
 江也岷之藝導漾也道沱則江悉矣道潛則漢  
 悉矣上志岷岷下志沱潛江漢源流於是而見纂註陳  
 曰沱潛發源此州而入荊州蔡蒙旅平山蔡蒙二山名蔡  
 故荊梁二州皆言沱潛既道蔡蒙旅平山輿地記在今  
 雅州嚴道縣蒙山地志蜀郡青衣縣今雅州名山縣也  
 酈道元謂山上合下開沫水逕其間澗崖水脉漂疾歷  
 代為患蜀郡太守李冰發卒鑿平澗崖則此二山在纂  
 禹為用功多也祭山曰旅旅平者治功畢而旅祭也纂  
 註陳氏大猷曰古人舉事必祭況治水土大事必不敢  
 忽然旅獨於梁雍言之者蓋九州終於梁雍以見前

諸州名山皆有祭也。旅獨於蔡蒙荆岐言之者，蓋紀梁之山終於蔡蒙紀雍之山，始於荆岐，以見州內諸名山。

皆有祭也。故下文復以九山刊旅總結之，然特言和夷於諸州之後，其先成民而後致力於神之意歟。

底績

和夷地名，嚴道以西有和川，有夷道，或其地也。又案晁氏曰：和夷二水名，和水今雅州榮經縣北，和

川水自蠻界羅岳州東西來，逕蒙山，所謂青衣水而入岷江者也。夷水出巴郡魚復縣東南，過佷山縣南，又東過夷道縣北，東入于江。今詳二說，皆未可必，但經言底績者，三覃懷原隰既皆地名，則此恐為地名，或地名因水亦不

可知也。

纂註

鄭氏曰：和夷和上之夷人也。○厥土青黎

黎黑

纂註

孔氏曰：沃壤也。

厥田惟下上，厥賦下中三錯。

田第七等，賦第七

八等，雜出第七第九等也。案賦雜出他等者，或以為歲有豐凶，或以為戶有增減，皆非也。意者地力有上下年

分不同如周官田一易再易之類故賦之等第亦有上下年分冀之正賦第一等而間歲第二等也揚之正賦第七等而間歲第六等也豫之正賦第二等而間歲第一等也梁之正賦第八等而間歲出第七第九等也當時必有條目詳具今不存矣書之所載特凡例也若謂歲之豐凶戶之增減則九州皆然何獨於冀揚豫梁四州言纂註新安胡氏曰或曰間厥貢璆鐵銀鏤砮磬熊哉

羆狐狸織皮

璆玉磬鐵柔鐵也鏤剛鐵可以刻鏤者也磬石磬也言鐵而先於銀者鐵之利多於

銀也後世蜀之卓氏程氏以鐵冶富擬封君則梁之利尤在於鐵也織皮者梁州之地山林為多獸之所走熊羆狐狸四獸之皮製之可以為裘其毳毛織之可以為罽也○林氏曰徐州貢浮磬此州既貢玉磬又貢石磬豫州又貢磬錯以此觀之則知當時樂器磬最為重豈非以其聲角而在清濁小大之間最難得其和者哉

纂註

歸軒鄒氏曰漢志犍為郡朱提縣有朱提山出銀每銀八兩為一流直一千五百八十他銀一流但

直一千犍為郡正梁州之境是梁州之銀獨美於他州故以為貢荆揚金三品鄭氏以為銅三色也○玉篇屬

居例反字  
正作纈

西傾因桓是來浮于潛逾于沔入于渭亂于

河

西傾山名地志在隴西郡臨洮縣西今洮州臨潭縣西南桓水名水經曰西傾之南桓水出焉蘇氏曰漢

始出為漾東南流為沔至漢中東行為漢沔酈道元曰

自西傾而至葭萌浮於西漢西漢即潛水也自西漢迤

流而屈于晉壽界阻漾枝津南歷岡北迤邐接漢沔歷

漢川至于褒水逾褒而暨于衙嶺之南溪灌于斜川屈

于武功而北以入于渭漢武帝時人有上書欲通褒斜

道及漕事下張湯問之云褒水通沔斜水通渭皆可以

漕從南陽上沔入褒褒絕水至斜間百餘里以車轉從

斜下渭如此則漢中穀可致經言沔渭而不言褒斜者

因大以見小也褒斜之間絕水百餘里故曰逾然於經文則當曰逾于渭今日逾于沔此又未可曉也絕河而

渡曰輯錄西傾雖在雍州其人有事於京師者必道取

纂註葉氏曰雍言織皮岷嶺析支渠搜非中國之貢明

因桓是來相屬謂四獸織皮西傾之戎因黑水西河惟

桓水而以此來貢也○孔氏曰漢上曰沔

雍州謂之西河者主冀都而言也纂註林氏曰雍梁

境不當言據○武夷熊氏曰雍州秦地周之岐豐鎬京

漢之三輔皆此焉婁敬謂金城千里天府之國合天下

形勢言之所謂秦得百二者實以據地勢之上游當天

下之要脊四塞以為固全一面之險以東制諸侯故言

定都者必先焉書以黑水西河為界而又西接弱水流

沙之地則其土地之廣漠可知大抵關中之地固是形



勢可以為都但其地迫近西戎周秦漢唐世有羌胡之患必盡陰山與唐三受降城及靈夏河西五郡為塞地乃可爾又嘗考之古今地志雍州之地即無黑水所謂導黑水至于三危者三危山或云在燉煌郡則今瓜州也曷嘗有此水踰跨諸山以至于南海哉若以河源崦嵫推之崑崙山脊以西人跡所未到其東中一支則重岡積嶺直至終南太華皆是雍之南山而瓜州乃在河西五郡實當西北界上漢人所謂斷匈奴右臂者以其不與西戎相接也史當有錯蔡氏亦以雍之西有黑水未見其可信也

### 弱水既西

柳宗元曰西海

之山有水焉散渙無力不能負芥投之則委靡墊沒及底而後止故名曰弱既西者導之西流也地志云在張掖郡刪丹縣薛氏曰弱水出吐谷渾界窮石山自刪丹西至合黎山與張掖縣河合又案通鑑魏太武擊柔然至栗水西行至菟園水分軍收討又循弱水西行至涿邪山則弱水在菟園水之西涿邪山之東矣北史載太

武至菟園水分軍搜討東至瀚海西接張掖水北度燕然山與通鑑小異豈瀚海張掖水於弱水為近乎程氏據西域傳以弱水為在條支援引甚悉然長安西行一萬二千二百里又百餘日方至條支其去雍州如此之遠禹豈應窮荒而導纂註程氏曰弱水初必壅遏而東其流也哉其說非是纂註既導之西則逆者順矣○林氏曰衆水皆東而弱水獨西黑水獨南因其性與勢之自然也必欲東之則逆其自然非行所無事矣 湟

# 屬渭汭

湟渭汭三水名湟水地志出安定郡涇陽縣西今原州百泉縣岍頭山也東南至馮翊陽陵縣

入渭今永興軍高陵縣也渭水地志出隴西郡首陽縣西南今渭州渭源縣烏鼠山西北山谷山也東至京兆船司空縣入河今華州華陰縣也汭水地志作芮扶風汧縣弦蒲藪芮水出其西北東入湟今隴州汧源縣弦蒲藪有汭水焉周職方雍州其川湟汭詩曰汭鞠之即皆謂是也屬連屬也湟水連屬渭汭二水也 纂註

陳氏大猷曰渭汭蔡分作二水固有詩禮可證然下文會于渭汭不過如言洛汭媯汭耳又詩涇以渭濁未聞及汭水也漆沮之從澧之同皆從同於渭耳未聞與汭通也作二水可疑○新安陳氏曰孔云水北曰汭一云水曲曰汭又水口曰汭夏書以洛表對漆沮既從二水洛汭則汭水北之曲也又如東過洛汭名漆水寰宇記自耀州同官縣東北界來經華原縣合沮水沮水地志出北地郡直路縣東今坊州宜君縣西北境也寰宇記沮水自坊州昇平縣北子午嶺出俗號子午水下合榆谷慈馬等川遂為沮水至耀州華原縣合漆水至同州朝邑縣東南入渭二水相敵故並言之既從者從於渭也又案地志謂漆水出扶風縣晁氏曰此幽之漆也水經漆水出扶風杜陽縣程氏曰杜陽今岐山普潤縣之地亦漢漆縣之境其水入渭在豐水之上與經序渭水節次不纂註蘇氏曰從如少之從長澧合非禹貢之漆水也

水攸同

灋水地志作鄠出扶風鄠縣終南山今永興軍

鄠縣

也東至咸陽縣入渭同者同於渭也渭

水自鳥鼠而東灋水東注之涇水北注之漆

纂註

蘇氏曰灋

沮東北注之曰屬曰從曰同皆主渭而言也

渭相若故言同。

荆岐既旅終南博物至于鳥鼠

荆岐二山

玉篇鄠胡古反

名荆山即北條之荆地志在馮翊懷德縣南今耀州富

平縣掘陵原也岐山地志在扶風美陽縣西北今鳳翔

府岐山縣東北十里也終南博物鳥鼠亦皆山名終南

地志古文以太一山為終南山在扶風武功縣今永興

軍萬年縣南五十里也博物地志古文以垂山為博物

在扶風武功縣今永興軍武功縣也鳥鼠地志在隴西

郡首陽縣西南今渭州渭源縣西也俗呼為青

雀山舉三山而不言所治者蒙上既旅之文也

原隰底

績至于豬野

廣平曰原下濕曰隰詩曰度其隰原即指此也鄭氏曰其地在豳今邠州也豬野地

志云武威縣東北有休屠澤古今以為豬野今涼州姑臧縣也治水成功自高而下故先言山次原隰次陂澤也

### 三危既宅三苗丕叙

三危即舜竄三苗之地或以為燉煌未詳其地三苗之竄在洪

水未平之前及是三危已既可居三苗於是大有功叙今案舜竄三苗以其惡之尤甚者遷之而立其次者於舊都今既竄者已丕叙而居於舊都者尚桀鵩不服蓋三苗舊都山川險阻氣習使然今湖南猺洞時猶竊發俘而詢之多為苗纂註歸軒鄒氏曰案後漢西羌傳註姓豈其遺種歟三危山在今沙州燉煌縣東南山有三峰故曰三危○武夷熊氏曰首言弱水終言三危極其遠而言之也○呂氏曰三苗有罪自當竄逐發政施仁自當及之故治水至三危亦既使安居大得其叙後世以為投之四裔若棄之者非聖人之心也

### 土惟黃壤

黃者土之正色林氏曰物得其常性者最貴雍州之土黃壤故其田非他州所及

厥

田惟上上厥賦中下

田第一等而賦第六等者地狹而人功少也

纂註

王氏曰

東方朔云關中之地號為畝直一金田上上可知。唐孔氏曰此州與荊州賦田升降皆較六等荊州升之極

故云人功修此州降之極故云人功少

厥貢惟球琳琅玕

球琳美玉也琅玕石之似珠者

爾雅曰西北之美者有昆侖虛之球琳琅玕今南海有青琅玕珊瑚屬也

纂註

孫氏曰貢非一類物者不

言惟一類

浮于積石至于龍門西河會于渭汭

積石地志在金

城郡河關縣西南羌中今鄯州龍支縣界也龍門山地志在馮翊夏陽縣今河中府龍門縣也西河冀之西河

也雍之貢道有二其東北境則自積石至于西河其西南境則會于渭汭言渭汭不言河者蒙梁州之文也他

州貢賦亦當不止一道發此例以互見耳。案邢昺奏乞下熙河路打造船五百隻於黃河順流放下至會州

西小河內藏放熙河路漕使李復奏竊知邢恕欲用此  
船載兵順流而下去取興州契勘會州之西小河鹹水  
其闊不及一丈深止於一二尺豈能藏船黃河過會州  
入韋精山石峽險窄自上垂流直下高數十丈船豈可  
過至西安州之東大河分為六七道散流渭之南山逆  
流數十里方再合逆溜水淺灘磧不勝舟載此聲若出  
必為夏國侮笑事遂寢邢恕之策如李復之言可謂謬  
矣然此言貢賦之路亦曰浮于積石至于龍門西河則古  
來此處河道固通舟楫矣而復之言纂註武夷熊氏曰  
乃如此何也姑錄之以備參考云

纂註

武夷熊氏曰  
正道皆從渭

達河惟山脊以西北之地謂道不可通處必自積  
石之河經涉龍門然後達於西河以至帝都也

織皮

崑崙析支渠搜西戎即叙

崑崙即河源所出在臨羌析  
支在河關西千餘里渠搜水

經曰河自朔方東轉經渠搜縣故城北蓋近朔方之地  
也三國皆貢皮衣故以織皮冠之皆西方戎落故以西

戎總之即就也。雍州水土既平而餘功及于西戎故附于末。○蘇氏曰青徐揚三州皆萊夷淮夷島夷所篚。此三國亦篚織皮。但古語有顛倒詳略爾。其文當在厥貢惟球琳琅玕之下。浮于積石之上。簡編脫誤不可不正。愚謂梁州亦篚織皮。纂註武夷熊氏曰崑崙唐書以為恐蘇氏之說為然。纂註吐蕃界析支即今陰山河南等處。○歸軒鄒氏曰案西羌傳羌地在金城郡河關縣之西南。濱於賜支至乎河首。賜支者禹貢所謂析支也。導岍及岐至于荆山逾于河壺口雷首至于太岳底柱。

析城至于王屋太行恒山至于碣石入于海。

此下隨山也。岍岐荆

三山皆雍州山。岍山地志扶風岍縣西吳山古文以為岍山。今隴州吳山縣吳嶽山也。周禮雍州山鎮曰嶽山。又案寰宇記隴州汧源有岍山。汧水所出禹貢所謂岍山也。晁氏以為今之隴山天井金門秦嶺山者皆古之



岍也岐荆見雍州壺口雷首太岳底柱析城王屋太行  
恒山皆冀州山壺口太岳碣石見冀州雷首地志在河  
東郡蒲坂縣南今河中府河東縣也底柱石在大河中  
流其形如柱今陝州陝縣三門山是也析城地志在河  
東郡獲澤縣西今澤州陽城縣也晁氏曰山峰四面如  
城王屋地志在河東郡垣縣東北今絳州垣曲縣也晁  
氏曰山狀如屋太行山地志在河內郡山陽縣西北今  
懷州河內也恒山地志在常山郡上曲陽縣西北今定  
州曲陽也逾者禹自荆山而過于河也孔氏以為荆山  
之脉逾河而為壺口雷首者非是蓋禹之治水隨山刊  
木其所表識諸山之名必其高大可以辨疆域廣博可  
以奠民居故謹而書之以見其施功之次第初非有意  
推其脉絡之所自來若今之葬法所言也若必實以山  
脉言之則尤見其說之謬妄蓋河北諸山根本脊脉皆  
自代北寰武嵐憲諸州乘高而來其脊以西之水則西  
流以入龍門西河之上流其脊以東之水則東流而為

桑乾幽冀以入于海其西一支為壺口太岳次一支包汾晉之源而南出以為析城王屋而又西折以為雷首又次一支乃為太行又次一支乃為恒山其間各隔沁路諸川不相連屬豈自岍岐跨河而為是諸山哉山之經理者已附于逐州之下於此又條列而詳記之而山之經緯皆可見矣王鄭有三條四列之名皆為未當今據導字分之以為南北二條而江河以為之紀於二之中又分為二焉此北條大河北境之山也輯錄每州各言境內山川首尾不相聯貫且自東而西非自然之形勢故於此通說九州山川聯貫首尾更從西而東以著自然之形勢云云見傳東齋集傳問味別地脉之說如何先生曰不知是要水有所歸不為民害還是只要辨味點茶如陸羽之流尋脉踏地如後世風水之流邪且太行自西北發脉來為天下之脊此是中國大形勢其底柱王屋等山皆是太行山脉脚今說者分陰陽列言導岍及岐至于荆山荆山山脉逾河而過為壺口

雷首底柱析城王屋碣石則是荆山地脉却来做太行  
山脚其所謂地脉尚說不通況禹貢本非理會地脉邪

纂註

呂氏曰山川之分見於九州者其經也山川之

則不知其脉絡此作書之妙也導山有二說或以為隨  
山通道以相視其源委脉絡或以為治山旁小水二說  
當兼用禹隨山以治水故以導言如止於相其山勢何  
導之有山之有脉絡條列固不可誣而水之源未有不  
出於山水之勢未有不因於山既隨山通道相其脉絡  
源委又因以導山旁澗谷之水而納之川二說蓋並行  
而不相悖也○林氏曰禹本導川歸海今乃先以導山  
蓋方洪水懷襄故川舊漬皆浸沒不可見欲施工無所  
措手故先以九州高山巨鎮為表識自西決之使東以  
殺其滔天之勢水既順下漸入于海則川流故迹稍稍  
可求於是濬川之功可施始決九川而距四海蓋先隨  
山而後濬川其序不得不然也○新安陳氏曰三條之

說出於馬融王肅以岍岐至碣石為北條西傾至陪尾  
 為中條嵒冢至敷淺原為南條然內方大別在荊州岷  
 在梁州相去數千里豈可合為一條四列之說出於鄭  
 玄謂岍岐為正陰列西傾為次陰列嵒冢為次陽列岷  
 山為正陽列四列雖是而陰陽正次名稱未當  
 宜蔡氏以二條四列訂之云○玉篇獲胡郭反西傾朱

圍鳥鼠至于太華熊耳外方桐柏至于陪尾

西傾朱圍鳥鼠太華

雍州山也熊耳外方桐柏陪尾豫州山也西傾見梁州  
 朱圍地志在天水郡冀縣南今秦州大潭縣也俗呼為  
 白巖山鳥鼠見雍州太華地志在京兆華陰縣南今華  
 州華陰縣二十里也熊耳在商州上洛縣詳見豫州外  
 方地志潁川郡密高縣有密高山古文以為外方在今  
 西京登封縣也桐柏地志在南陽郡平氏縣東南今唐  
 州桐柏縣也陪尾今安州安陸也西傾不言導者蒙導岍  
 古文以為陪尾今安州安陸也西傾不言導者蒙導岍

之文也此北條大纂註孔氏曰西傾朱圉在積石以東  
河南境之山也鳥鼠渭水所出在隴西之西三

者雍州之南山至于太華相首尾而東太華熊耳外方

桐柏四山相連東南在豫州界洛經熊耳伊經外方淮

出桐柏經陪尾凡此皆先舉所施功之導嶓冢至于荆

山於上而後條列所治水於下互相備

山内方至于大別

嶓冢即梁州之嶓也山形如冢故謂之嶓冢詳見梁州荆山南條荆山地

志在南郡臨沮縣北今襄陽府南章縣也内方大別亦

山名内方地志章山古文以為内方山在江夏郡竟陵

縣東北今荆門軍長林縣也左傳吳與楚戰楚濟漢而

陳自小別至于大別蓋近漢之山今漢陽軍漢陽縣北

大別山是也地志水經云在安豐纂註孔氏曰漾水出

者非是此南條江漢北境之山也

荆山荆山在荊州内方大岷山之陽至于衡山過九江

別皆荊州山漢水所經

岷山之陽至于衡山過九江

# 至于敷淺原

岷山見梁州衡山南嶽也地志在長沙國湘南縣今潭州衡山縣也九江見荊州敷

淺原地志云豫章郡歷陵縣南有博易山古文以為敷淺原今江州德安縣傳陽山也晁氏以為在鄱陽者非是今案晁氏以鄱陽有傳陽山又有歷陵山為應地志歷陵縣之名然鄱陽漢舊縣地不應又為歷陵縣山名偶同不足據也江州德安雖為近之然所謂敷淺原者其山甚小而庠亦未見其為在所表見者惟廬阜在大江彭蠡之交最高且大宜所當紀志者而皆無考據恐山川之名古今或異而傳者未必得其真也姑俟知者過經過也與導岷逾于河之義同孔氏以為衡山之脉連延而為敷淺原者亦非是蓋岷山之脉其北一支為衡山而盡於洞庭之西其南一支度桂嶺北經袁筠之地至德安所謂敷淺原者二支之間湘水間斷衡山在湘水西南敷淺原在湘水東北其非衡山之脉連延過九江而為敷淺原者明甚且其山川岡脊源流具在眼

前而古今異說如此況殘山斷港歷數千百年者尚何自取信哉岷山不言導者蒙導嶧冢之文也此南條江

漢南境輯錄

導問岷山之分何以見先生曰只是以水之大凡兩山夾行中間必有水兩水夾

行中間必有山江出於岷山岷山夾江兩岸而行那邊一支去為江北許多去處云去為隄這邊一支為湖

南又一支為建康又一支為兩浙而餘氣為福建二廣○禹貢西方南方殊不見禹施工處緣是山高少水患

當時只分遣官屬而不了事底記述得文字不整齊耳某作九江彭蠡辨禹貢大槩可見於此禹貢只載九江

無洞庭今以其地驗之有洞庭無九江則洞庭之為九江無疑矣洞庭彭蠡冬月亦涸只有數條江水在其中

義疏或問禹貢地理曰禹貢過字有三義有山過水過人過如過九江至敷淺原只是禹過此處去也若曰山

過水過更不通書說纂註孔氏曰岷山江所出在梁州餘見後九江彭蠡說衡山江所經在荊州○林氏

曰岼岐所導之水乃合河濟之流最為奔悍當其隨山之  
之初自西而決之東自東達之東北則已達于海矣故  
言入于海西傾岼岐所導之水則未能達海且注于下  
流之地及濬川之功既施乃得入海故下文所載方是  
衆水入海之道故此止言至于陪尾大別敷淺原而止  
而下流之山皆所不及也。陳氏曰禹之導山雖曰因  
而治衆水大槩岼岐之列河濟所經西傾之列伊洛淮  
渭所經岼冢之列漢水所經岷山之列江水所經也。○  
新安陳氏曰導山之役分為四路乃懷襄方殷未可下  
濬川之功先隨山相視可疏導者疏導之兩條四列實  
人功經歷之次第為濬川之經始下文導水詳言濬川  
之源委乃收上文隨山之成功林陳說是獨岼岐入海  
一節辭猶未備岼岐一列河濟所經既入海矣何為下  
文導河積石導沅水二條又各言入于海歟意者當時  
水患河濟尤甚比江漢淮用工尤難故自發源以至入  
海先之相視疏導後之開鑿濬導必極于歸宿之地若



江漢淮之屬則初一番相視疏導且可止陪  
尾大別數淺原而下文方自源徂流言之歟導弱水至

于合黎餘波入于流沙

此下濬川也弱水見雍州合黎山名隋地志在張掖縣西北亦

名羌谷流沙杜佑云在沙州西八十里其沙隨風流行  
故曰流沙水之疏導者已附于逐州之下於此又派別  
而詳記之而水之經緯皆可見矣濬川之功自隨山始  
故導水次於導山也又案山水皆原於西北故禹叙山  
叙水皆自西北而東南導山輯錄流沙在合黎之西○  
則先岍岐導水則先弱水也輯錄自導弱水至導洛凡  
九條皆導水之事大槩自北而南先言山以為水之經  
故此言水以為山之紀弱水最在西北水又西流不經  
中國故首言纂註孔氏曰合黎水名○馬氏曰地名○  
後齋集義纂註顏師古曰流沙在燉煌西○陳氏曰  
弱水之正者入合黎其餘則入于流沙○程氏曰禹導  
弱水至合黎則其逆行者已順其遠而無所事治者固

不必極之於西海近而無能為害者亦任其波委之入  
流沙則已矣故於雍止曰既西而於導水不必曰入于  
西海皆紀實也合黎流沙不可意度○林氏曰禹惟先  
決山陵之積水使有所歸然後可施濬川之功如上文  
既導岍岐至碣石然後導河濟之功可施導西傾至陪  
尾然後導淮渭洛之功可施導嶠至大別導岷至敷淺  
原然後導漢與江之功可施所導黑水至于三危入于  
以先言導山而後及導水也

**南海**

黑水地志出犍為郡南廣縣汾關山水經出張掖  
雞山南至燉煌過三危山南流入于南海唐樊綽

云西夷之水南流入于南海者凡四曰區江曰西珥河  
曰麗水曰瀾若江皆入于南海其曰麗水者即古之黑  
水也三危山臨峙其上案梁雍二州西邊皆以黑水為  
界是黑水自雍之西北而直出梁之西南也中國山勢  
岡脊大抵皆自西北而來積石西傾岷山岡脊以東之  
水既入于河漢岷江其岡脊以西之水即為黑水而入

于南海地志水經樊氏之說雖未詳的實要是其地也  
程氏曰樊綽以麗水為黑水者恐其狹小不足為界其  
所稱西珥河者却與漢志葉榆澤相貫廣處可二十里  
既足以界別二州其流又正趨南海又漢滇池即葉榆  
之地武帝初開滇雋時其地古有黑水舊祠夷人不知  
載籍必不能附會而綽及道元皆謂此澤以榆葉所積  
得名則其水之黑似榆葉積漬所成且其地乃在蜀之  
正西又東北距宕昌不遠宕昌即三苗種裔與三苗之

叙于三危者又為相應

輯錄

黑水從雍梁西界入南海亦不經中國故次之弱水

其證驗莫此之明也

黑水沅水言導而不著

纂註

陳氏大猷曰萬水能載而弱水獨弱且西流萬水皆

其地未詳

東齊集傳

清而黑水獨黑且南流天地之間有常有變不可一律  
齊聖人順其性而已。廣韻滇徒年都年二反雋息委

反越雋也導河積石至于龍門南至于華陰東至于砥柱又

東至于孟津東過洛汭至于大伾北過洛水至于大陸

又北播為九河同為逆河入于海

積石龍門見雍州華陰華山之北也底柱

見導山孟地名津渡處也杜預云在河內郡河陽縣南今孟州河陽縣也武王師渡孟津者即此今亦名富平津洛汭洛水交流之內在今河南府鞏縣之東洛之入河實在東南河則自西而東過之故曰東過洛汭大伾孔氏曰山再成曰伾張揖以為在成臯鄭玄以為在修武武德臣瓚以為修武武德無此山成臯山又不再成今通利軍黎陽縣臨河有山蓋大伾也紫黎陽山在大河垂欲趨北之地故禹記之若成臯之山既非從東折北之地又無險礙如龍門底柱之須䟽鑿西去洛汭既已大近東距洛水大陸又為絕遠當以黎陽者為是洛水地志在信都縣今冀州信都縣枯洛渠也程氏曰周時河徙砿磔至漢又改向頓丘東南流與禹河迹大相

背戾地志魏郡鄴縣有故大河在東北直達于海疑即禹之故河孟康以為王莽河非也古澤漬自唐貝州經城北入南宮貫穿信都大抵北向而入故河於信都之北為合北過泲水之文當以信都者為是大陸見冀州九河見兗州逆河意以海水逆湖而得名九河既淪于海則逆河在其下流固不復有矣河上播而為九下同而為一其分播合同皆水勢之自然禹特順而導之耳今案漢西域傳張騫所窮河源云河有兩源一出葱嶺一出于閼于閼在南山下其河北流與葱嶺河合東注蒲昌海蒲昌海一名鹽澤去玉門陽關三百餘里其水停居冬夏不增減潛行地中南出積石又唐長慶中薛元鼎使吐蕃自隴西成紀縣西南出塞二千餘里得河源於莫賀延積尾曰閼磨黎山其山中高四下所謂崑崙也東北流與積石河相連河源澄瑩冬春可涉下稍合流色赤益遠他水并注遂濁吐蕃亦自言崑崙在其國西南二說恐薛氏為是河自積石三千里而後至于

龍門經但一書積石不言方向荒遠在所略也龍門而下因其所經記其自北而南則曰南至華陰記其自南而東則曰東至砥柱又詳記其東向所經之地則曰孟津曰洛汭曰大伾又記其自東而北則曰北過洛水又詳記其北向所經之地則曰大陸曰九河又記其入海之處則曰逆河自洛汭而上河行於山其地皆可考自大伾而下垠岸高於平地故決齧流移水陸變遷而洛水大陸九河逆河皆難指實然上求大伾下得碣石因其方向辨其故迹則猶可考也其詳悉見上文。又案李復云同州韓城北有安國嶺東西四十餘里東臨大河瀕河有禹廟在山斷河出處禹鑿龍門起於唐張仁愿所築東受降城之東自北而南至此山盡兩岸石壁峭立大河盤束於山峽間千數百里至此山開岸闊豁然奔放怒氣噴風聲如萬雷今案舊說禹鑿龍門而不詳其所以鑿誦說相傳但謂因舊修闢去其齟齬以決水勢而已今詳此說則謂受降以東至于龍門皆是禹

新開鑿若果如此則禹未鑿時河之故道不知却輯錄  
在何處而李氏之學極博不知此說又何所考也

釋水云河千里一曲一直河從積石北行又東乃折而  
南計應三千里的然後至龍門而為西河龍門地勢險河  
率破山以行禹功於此最難自龍門南流至華陰而極  
始折而東至于砥柱又東至孟津東過洛汭而為南河  
至大伾而極始折而北流為東河至兗州而分為九復  
合為一而入海河流於是終矣河為四瀆宗且發源西  
北故叙中國之水以河為先東齋集傳逆河是開纂註  
渠通海以泄河之溢秋冬則涸春夏則泄格言  
程氏曰洛水至洛州鞏縣東北入河其曰洛汭者洛既  
北入于河河之南洛之北其兩間為汭汭之為言在洛  
水之內也渭水入河之間亦名渭汭正其義也自洛汭  
以上山水名稱迹道古今如一自大伾以下不特水道  
難考雖名山舊嘗憑河者亦復不可究辨非山有徙移  
也河既變迹年世又遠人知新河之為河不知舊山之

不附新河也。輒並河求之，安從而得？舊山之真歟。○唐孔氏曰：河下尾合名，為逆河。言相向迎受。○蘇氏曰：河既分為九，又合為一，以一迎八而後入海。○王氏炎曰：周定王五年，河徙已非禹之故道。漢元光三年，河徙東都，更注渤海，繼決于瓠子。又決于魏之館陶，遂分為屯氏河、大河。在西屯河在東，二河相並而行。元帝永光中，又決于清河。靈鳴犢口，則河水分流，入于博州。屯河始壅塞不通。後二年，又決于平原，則東入齊，入青以達于海。而下流與漯為一。王莽時，河遂行漯川，大河不行于大伾之北，而遂行于相魏之南，則山澤在河之類者支川與河之相貫者悉皆易位，而與禹貢不合矣。○方氏曰：建紹後，黃河決入鉅野，溢于泗，以入于淮者，謂之南清河。由汶合濟至滄州，以入海者，謂之北清河。是時淮僅受河之丰金之亡也。河自開封北，衛州決而入渦河，以入淮。一淮水獨受大黃河之全，以輸之海。濟水之絕于王莽時者，今其源出河北溫縣，猶往枯黃河中，以入。



汶而後趨海清濟貫  
濁河遂成虛論矣

嶓冢導漾東流為漢又東為滄浪

之水過三澨至于大別南入于江東匯澤為彭蠡東為

北江入于海

漾水名水經曰漾水出隴西郡氐道縣嶓冢山東至武都常璩曰漢水有兩源此東

源也即禹貢所謂嶓冢導漾者其西源出隴西嶓冢山  
會泉始源曰沔逕葭萌入漢東源在今西縣之西西源

在今三泉縣之東也酈道元謂東西兩川俱出嶓冢而

同為漢水者是也水源發于嶓冢為漾至武都為漢又

東流為滄浪之水酈道元云武當縣北四十里漢水中

有洲曰滄浪洲水曰滄浪水是也蓋水之經歷隨地得

名謂之為者明非他水也三澨水名今郢州長壽縣唐

石山發源東南流者名澨水至復州景陵縣界來又名

汭水疑即三澨之一然據左傳漳澨遂澨則為水際未

可曉也大別見導山入江在今漢陽軍漢陽縣匯迴也

彭蠡見揚州北江未詳入海在今通州靜海縣。今案彭蠡古今記載皆謂今之鄱陽然其澤在江之南去漢水入江之處已七百餘里所蓄之水則合饒信徽撫吉贛南安建昌臨江袁筠隆興南原數州之流非自漢入而為匯者又其入江之處西則廬阜東則湖口皆石山峙立水道狹甚不應漢水入江之後七百餘里乃橫截而南入于鄱陽又橫截而北流為北江且鄱陽合數州之流豬而為澤泛溢壅遏初無仰於江漢之匯而後成也不惟無所仰於江漢而衆流之積日過月高勢亦不復容江漢之來入矣今湖口橫渡之處其北則江漢之濁流其南則鄱陽之清漲不見所謂漢水匯澤而為彭蠡者鄱陽之水既出湖口則依南岸與大江相持以東又不見所謂橫截而為北江者又以經文考之則今之彭蠡既在大江之南於經則宜曰南匯彭蠡不應曰東匯於導江則宜曰南會于匯不應曰北會于匯既在南於經則宜曰北為北江不應曰東為北江以今地望

參校絕為反戾今廬江之北有所謂巢湖者湖大而源淺每歲四五月間蜀嶺雪消大江泛溢之時水淤入湖至七八月大江水落湖水方洩隨江以東為合東匯北匯之文然鄱陽之湖方五六百里不應舍此而錄彼記其小而遺其大也蓋嘗以事理情勢考之洪水之患惟河為甚意當時龍門九河等處事急民困勢重役煩禹親蒞而身督之若江淮則地偏水急不待疏鑿固已通行或分遣官屬往視亦可況洞庭彭蠡之間乃三苗所居水澤山林深昧不測彼方負其險阻頑不即工則官屬之往者亦未必遽敢深入是以但知彭蠡之為澤而不知其非漢水所匯但意如巢湖江水之淤而不知彭蠡之源為甚衆也以此致誤謂之為匯謂之北江無足怪者然則鄱陽輯錄因說禹貢先生曰此最難說蓋他之為彭蠡信矣輯錄本文自有繆處且如漢水自是從今漢陽軍入江下至江州然後江西一帶江水流出合為大江兩江下水相淤故江西水出不得溢為彭蠡上

取漢水入江處有多少路今言漢水過三澨至于大別南入于江東匯澤為彭蠡全然不合又如何去強解釋得蓋禹當時只治得雍冀數州為詳南方諸水皆不親見恐只得之傳聞故多遺闕又差誤如此今又不成說他聖人之經不是所以難說然自古解釋者紛紛終是與他地上水不合堆東匯澤為彭蠡多此一句節餘見

後九江彭蠡說

岷山導江東別為沱又東至于澧過九江至于

東陵東迤北會為匯東為中江入于海

沱江之別流於梁者也澧水名

水經出武陵充縣西至長沙下雋縣西北入江鄭氏云經言道言會者水也言至者或山或澤也澧宜山澤之名案下文九江澧水既與其一則非水明矣九江見荆州東陵巴陵也今岳州巴陵縣也地志在廬江西北者非是會匯中輯錄

禹治江不見甚用力書載岷山導江止東為中江入于海若中間更用工

夫如何載得恁略賀孫嶠冢導漾止東為北江入于海又曰岷山導江止東為中江入于海又曰岷山之陽止至于數淺原此皆禹貢之文也古今讀者皆以為是既出於聖人之手則固不容復有訛謬萬世之下但當尊信誦習傳之無窮亦無以覈其事實是否為也是以為之說者不過隨文解義以就章句如說九江則曰江過尋陽派別為九或曰有小江九北來注之說彭蠡則曰漢水所匯而江水亦往會焉說北江中江則曰漢既匯而出為北江既會而出為中江也說九江則但指今日江州治所以當之說數淺原則但以漢歷陽縣之傅易山在今日為江州之德安縣而已如是而言姑為誦說則可矣若以山川形勢之實考之吾恐其說有所不通而不能使人無所疑也若曰派別為九則江流上下洲渚不一今所計以為九者若必首尾短長均布若一則橫斷一節縱別為九一水之間當有一一本作八洲九江之間一本無此四字沙水相間乃為十有七道

一本無乃有二字於地將無所容若曰參差取之不必  
齊一則又不知斷自何許而數其九也況沙渚出沒其  
勢不常江陵先有九十九洲後乃復生一洲是豈可以  
為地理之定名乎此不可通之妄說也若曰旁計橫入  
小江之數則自岷山以東至入海處不知當為幾千百  
里江矣此又不可通之妄說也且經又言九江孔殷則  
正以見其吐吞壯盛浩無津涯之勢決非尋常分派小  
江之所當又繼此而後及夫沱潛雲夢則又見其決非  
尋陽一本作今日江州以東甚遠之下流此又可以證  
前二說者為不可通之妄說也若曰漢水匯為彭蠡而  
江水亦往會焉則彭蠡之為澤也實在大江之南自今  
江州湖口縣南跨南康軍饒州之境以接于隆興府之  
北瀰漫數十百里其源則東自饒徽信州建昌軍南自  
贛州南安軍西自袁筠以至隆興府分寧武寧諸邑方  
數千里之水皆會而歸焉北過南康揚瀾左里則兩岸  
漸迫山麓而湖面稍狹遂東北流以趨湖口而入于江

矣然以地勢北高而南下故其入于江也反為江水所  
遏而不得遂因郤而自豬以為是瀰漫數十百里之大  
澤是則彭蠡之所以為彭蠡者初非有所仰於江漢之  
匯而後成也不惟無所仰於江漢而眾流之積日過日  
高勢亦不復容江漢之來入矣又況漢水自漢陽軍大  
別山下南流入江則其水與江混而為一至此已七百  
餘里矣今謂其至此而後一先一後以入于彭蠡既匯  
之後又復循次而出以為二江則其入也何以識其為  
昔日之漢水而先行何以識其為昔日之江水而後會  
其出也何以識其為昔日之漢水而今分之以北何以  
識其為昔日之江水而今分以居中邪且以方言之則  
宜曰南會而不應曰北會以實計之則胡口之東今但  
見其為一江而不見其分流然則所謂漢水匯為彭澤  
而江水亦往會焉者亦不可通之妄說也此數說者既  
無一之不窮於是味別洲別之論出焉而終亦不免於  
窮也蓋曰味別則不知凡禹之所為過門不入胼手胝

足而不以為病者為欲大濟天下昏墊之民使得平土而居以衣且食而遂其生邪抑如陸羽張又新輩但欲較計毫分於齒頰間以為茗飲一時之快也嗚呼彼以是而為說者亦可謂童騃不思之甚矣且河之所會漆沮涇渭伊洛瀍澗支川尤多而初無味別之說濟之所經或潛或見或止或流其變不一而亦無味別之說何獨至此而辨之若是悉邪此又可見其為不通之妄說也若曰洲別則又九江之鑿吾既辨於前矣若果如此則漢水入江之後便須當有一洲介於其間以為江漢之別而湖口入匯之處又當各分為二以為出入之辨而後可也今皆無之而湖口橫渡之處予嘗過之但見舟北為大江之濁流舟南為彭蠡之清漲而已蓋彭蠡之水雖限於江而不得洩然及其既平則亦因其可行之隙而又未嘗不相持以東也惡睹所謂中江北江之別乎此又可見其為不通之妄說也若曰古之九江即今之江州古之敷淺原即今之德安縣則漢九江郡本



在江北而今所謂江州者實武昌郡之柴桑縣後以江北之尋陽并柴桑而立郡又自江北徙治江南以故江南得有尋陽之名後又因尋陽而改為江州實非古九江地也又況經言過九江至于東陵而後會于彭蠡則自今江州城下至湖口縣纔四十里不知東陵的在何處何所表異而其志之繁密促數乃如此又曰過九江至于數淺原則已自江州順流東下湖口又復泝流南上彭蠡百有餘里而後至焉亦何說哉此又不可通之妄說也至于今之所謂數淺原者則其為山也微而其全體正脉又特為廬阜以盡乎大江彭蠡之交矣不取於此以記衡山東道一支之所極者而獨有取乎彼之區區焉者則吾恐其山川之名古今或異而傳者未必得其真也凡此差舛其類不一讀而不思思而不考者既昏憤鹵莽而無足言矣其間亦有心知其誤而口不敢言乃反為之遷就穿鑿以蓋之其巧愈甚其謬愈彰使有識之士讀之愈疑而不敢信惟國初胡秘監旦近

世晁詹事說之皆以九江為洞庭則其援證皆極精博而莆田鄭樵漁仲獨謂東匯澤為彭蠡東為北江入于海十三字為行文亦為得之予既目睹彭蠡有原兩江不分之實又參之以此三說者而深以事理情勢求之然後果得之所以誤也蓋洪水之患惟河為甚而兗州乃其下流水曲而流緩地平而土踈故河之患於此為尤甚而作治之功十有三載然後同於諸州竊料當時惟此等處事急民困勢重役煩禹乃親蒞而身督之不可一日而舍去若梁雍荆揚地偏水急不待疏鑿固已通行則分遣官屬往而視之其亦可也況洞庭彭蠡之間乃三苗氏之所居當是之時水澤山林深昧不測彼方負其險阻頑不即工則官屬之往者固未必遽敢深入其境是以但見彭蠡之為澤而不知其源之甚遠而且多但見洞庭下流之已為江而不知其中流之嘗為澤而甚廣也以致此誤宜無足怪者若其用字之同異則經之凡例亦自可考顧讀者未深思耳今但刪去東

匪北江之衍字而正以洞庭為九江更以經之凡例通之則過九江至于東陵者言導岷山之水而是水之流橫截乎洞庭之口以至東陵也是漢水過三澨之例也過九江至于敷淺原者言導岷陽之山而導山之人至于衡山之麓遂越洞庭之尾東取山路以至于敷淺原也是導山岐荆山而通于河以盡常碣之例也以是觀之則經之文意不亦既明矣乎若更以他書考之則山海經云廬江出三天子都本注云一作郭今案丹陽故為郭郡其得名蓋以此則作郭為是入江彭澤西本注云彭澤今彭蠡也在鄱陽彭澤縣漢志云廬江出陵陽

東南北入江蓋陵陽者丹陽之屬縣今寧國府旌德縣有陵陽山而三天子都乃在徽饒之境疑與陵陽腹背相直故廬江者得出其東南而西流北折以為鄱餘二水遂以會于彭蠡而入于江也及其入江則廬山屹立乎其西南而江之北岸即為郡之南境疑江與山蓋相因以得名而郡境雖在江北亦以南直此江北山而名

之也然則彭蠡安得無源而必待漢匯江會而成哉漢志豫章為郡領縣十八其彭蠡縣下註云禹貢彭蠡澤在其西其餘則言水入湖漢者八鄱陽鄱水餘汗餘水艾修水新淦淦水南城水建城蜀水宜春水南壁彭水入大江者一鄱陽章水而湖漢一水則又自雩都東至彭澤入江行千九百八十里也案今地勢彭蠡既與江通而豫章諸水不由彭蠡別無入江之路則湖漢者即是彭蠡而其所受眾水之源又不止于廬江而已也以此而觀則山海經之言猶有未盡且其曰入江彭澤西者本謂逕彭蠡縣之西而入江耳而語意不明遂若析江與澤各為一水而一東一西以入江者此亦其立言之疵也漢志又自不知湖漢之即為彭蠡而兩言之又不知入大江者亦必豬于彭蠡而別為一例又不知湖漢之為湖正以其澤名之而復兼以漢稱則又承禹貢之誤而弗深考也至于雩都之水則但見其為一郡眾流之最遠而遂推為湖漢之源以主其名則又不

知湖漢之名初非一水必自隆興以北衆水皆會豬為  
大澤然後可以名之非雩都一水所得而專也至如  
鄭漁仲漢水行文之說固善矣而其下文江水東迤北  
會為匯東為中江入于海之數言恐亦不能使人無疑  
而彼固未能盡正也嗚呼禹貢所載者九州之山川吾  
之足跡未能徧乎荆揚而見其所可疑者已如此不知  
耳目見聞之所不及所可疑者又當幾何是固不可得  
而知矣至於經之凡例本自明白而諸儒乃有過為新  
奇之說以亂之者若論導山而逾于河則亦不待聞見  
之及而知其繆矣夫禹之治水隨山刊木止豈自岍岐  
跨河東度而反為是諸山哉見前導岍及岐傳中若過  
九江至于數淺原亦有襲其繆者以為衡山之脉東渡  
而來則以見聞所及而知其必不然也蓋岷山之脉其  
一支為衡山者已盡於九江之西其一支又南而東度  
桂嶺者則包湘源而北徑潭表之境以盡於廬阜其一  
支又南而東度大庾嶺者則包彭蠡之源以北盡乎建

康其一支則又東包浙江之源而北其首以盡會稽南其尾以盡乎閩粵也豈衡山之脉能度九江而其度也又直為數淺原而已哉又有謂揚州之三江即荆之中江北江而又病其闕一乃顧彭蠡之餘波適未有號則姑使之偕冒南江之名以足之且又自謂獨能窺見聖經書法之妙非他人之所及是亦極巧而且新矣然自湖口而下江本無二安得有三且於下文之震澤又懸隔遼夔而不相屬也則又安能曲說而彊附之哉問諸吳人則曰震澤下流實有三江以入于海彼既以自驗之恐其說之必可信而於今尚可考也因并論之以俟來者有所質焉九江彭蠡說始余讀禹貢即有所疑於此數條復見鄭漁仲所論以東為北江入于海者為衍文初亦意其有理既而思之去其所謂北江者則下文之中江者無所措矣晚以蒙恩假守二年於彭蠡之上乃得究觀其山川地理之實而知經文之不能無誤也至於以九江為洞庭則惟近世是以道之說為然晁氏

則本於胡秘監之說也細以地理遠近之勢度之宜從  
二公為是久欲略疏其語以破古今之曲說而因循不  
暇慶元丙辰一月既望諸生偶有問者始得為之時方  
臥病神思昏塞甚恨文之不達吾意經說書說中又有  
與程泰之書與九江彭蠡導沅水東流為濟入于河溢  
說異想非定說故不贅輯

為滎東出于陶丘北又東至于荷又東北會于汶又北

東入于海

沅水濟水也發源為沅既東為濟地志云濟水出河東郡垣曲縣王屋山東南今絳州垣

曲縣山也始發源王屋山頂崖下曰沅水既見而伏東

出於今孟州濟源縣二源東源周迴七百步其深不測

西源周迴六百八十五步其深一丈合流至溫縣是為

濟水歷虢公臺西南入于河溢滿也復出河之南溢而

為滎滎即滎波之滎見豫州又東出於陶丘北陶丘地

名再成曰陶在今廣濟軍西又東至于荷荷即荷澤亦

見豫州謂之至者濟陰縣自有荷派濟流至其地爾汶  
北汶也見青州又東北至于東平府壽張縣安民亭合  
汶水至今青州博興縣入海唐李賢謂濟自鄭以東貫  
滑曹鄆濟齊青以入于海本朝樂史謂今東平濟南淄  
川北海界中有水流入海謂之清河酈道元謂濟水當  
王莽之世川瀆枯竭其後水流逕通津渠勢改尋梁脉  
水不與昔同然則滎澤濟河雖枯而濟水未嘗絕流也  
程氏曰滎水之為濟本無他義濟之入河適會河滿溢  
出南岸溢出者非濟水因濟而溢故禹還以元名命之  
案程氏言溢之一字固為有理然出於河南者既非濟  
水則禹不應以河枝流而冒稱為濟蓋溢者指滎而言  
非指河也且河濁而滎清則滎之水非河之溢明矣況  
經所書單立導沔條例若斷若續而實有源流或見或  
伏而脉絡可考先儒皆以濟水性下勁疾故能入河穴  
地流注顯伏南豐曾氏齊州二堂記云泰山之北與齊  
之東南諸谷之水西北匯于黑水之灣又西北匯于柏



崖之灣而至于渴馬之崖蓋水之來也衆其北折而西也悍疾尤甚及至于崖下則泊然而止而自崖以北至于歷城之西蓋五十里而有泉湧出高或致數尺其旁之人名之曰趵突之泉齊人皆謂嘗有棄糠於黑水之灣者而見之於此蓋泉自渴馬之崖潛流地中而至此復出也其注而北則謂之濼水達于清河以入于海舟之通於濟者皆於是乎達也齊多甘泉其顯名者十數而色味皆同以余驗之蓋皆濼水之旁出者也然則水之伏流地中固多有之矣獨於滎澤疑哉吳興沈氏亦言古說濟水伏流地中今歷下凡發地皆是流水世謂濟水經過其下東阿亦濟所經取其井水煮膠謂之向膠用攪濁水則清人服之下膈疏痰蓋其水性趨下清而重故也濟水伏流絕河乃其物性之常事理之著者程氏非之顧弗深考耳纂註新安陳氏嘗新過枯黃河見濟水出河北溫縣者今徑枯黃河以入汶而後趨海而謂清濟貫濁河遂成虛論以此觀之

則濟水性下固能伏流而出為滎然其性勁實能勁絕大河中而出為滎也程泰之謂溢為滎非濟溢辨之者以河濁滎清證其非當矣今大河改而南流而古大河遂為枯磔濟之貫河其迹顯然泰之之非不辨而明矣○玉篇跖方卓反足擎聲滌力谷力導淮自桐柏東會各二反水在濟南又音柏波滌也

于泗沂東入于海

水經云淮水出南陽平氏縣胎簪山禹只自桐柏導之耳桐柏見導山泗

沂見徐州沂入于泗泗入于淮此言會者以二水相敵故也入海在今淮浦

導渭自鳥鼠同

穴東會于澧又東會于涇又東過漆沮入于河

同穴山名地志

云鳥鼠山者同穴之枝山也餘並見雍州孔氏曰鳥鼠共為雌雄同穴而處其說怪誕不經不足信也酈道元云渭水出南谷山在鳥鼠山西北禹只自鳥鼠同穴導之耳導洛自熊耳東北會于

澗渾又東會于伊又東北入于河

熊耳盧氏之熊耳也餘並見豫州洛水出

冢嶺山禹只自熊耳導之耳○案經言嶧冢導漾岷山

導江者漾之源出于嶧江之源出于岷故先言山而後

言水也言導河積石導淮自桐柏導渭自鳥鼠同穴導

洛自熊耳皆非出於其山特自其山以導之耳故先言

水而後言山也河不言自者河源多伏流積石其見處

故言積石而不言自也流水不言山者流水伏流其出

非一故不誌其源也弱水黑水不言山者九州之外蓋

畧之也小水合大水謂之入大水合小水謂之過二水

勢均相入謂之會天下之水莫大於河纂註王氏

故於河不言會此禹貢立言之法也凡導川皆

決而委之於海然百川東注而弱水獨西黑水獨南其

入于東海則天下之水在北莫大于河在南莫大于江

漢故先言導河而漢次之江又次之淮濟亦四瀆也故

先言濟而淮次之皆自北而南也四瀆之外西有渭東

有洛亦大川也九州攸同四隩既宅九山刊旅九川滌故以是終焉

源九澤既陂四海會同

隩隈也李氏曰涯內近水為隩陂障也會同與灘沮會同同義

四海之隩水涯之地已可奠居九州之山榘木通道已可祭告九州之川濬滌泉源而無壅遏九州之澤已有陂障而無決潰四海之水無不會同而各有所歸此蓋總結上文言九州四海水土無不平治也

纂註

呂氏曰水平而復疏濬其源為經久計也。孔氏曰四海之內會同京師九州同風萬國共貫。林氏曰九州辨之悉矣至此又言其所以同有以辨之則異制異俗異和異宜各得其所而不相亂有以同之則同軌同文同倫各要其歸而不見其異序言別此言同先別而後同也。上官氏曰天下山水見於禹貢者四十有五而九水為大九山為高大者既導則小者無不順矣高者既治則卑者無不平矣此九山九川所以叙於九州之

後六府孔修庶土交正底慎財賦咸則三壤成賦中邦

孔大也水火金木土穀皆大修治也土者財之自生謂之庶土則非特穀土也庶土有等當以肥瘠高下名物交相正焉以任土事底致也因庶土所出之財而致謹其財賦之入如周大司徒以土宜之法辨十有二土之名物以任土事之類咸皆也則品節之也九州穀土又皆品節之以上中下三等如周大司徒辨十有二壤之名物以致稼穡之類中邦中國也蓋土賦或及於四夷而田賦則止於中國而已故曰成賦中邦纂註復齋董氏曰九疇先五行五行一曰水水土治則六府皆理○呂氏曰底慎其心也則壤其迹也本末皆備○林氏曰準則上中下之土壤即前九等之田三等言其畧九等言其詳也○陳氏大猷曰上各州惟舉一隅至此總結之以見九州之所同如宅土既宅惟見於究雍故此以四隩既宅總之旅山惟見於梁雍故此以九山刊

旅總之各州所載川澤雖多然九州川澤不止是也故以九川九澤之祿陂總之上雖各載達河之道而四方之趨帝都者不止是也故以四海會同總之六府孔修則非特水土之治而已庶土交正則山林川澤丘陵墳衍原隰之土地無不正非特墳壤墟之復其性而已也正庶土而慎財賦所以總結九州所貢篚之物也則三壤以成中邦之賦所以總結九州所貢篚之物也則三結九州九等之田與賦也錫土姓錫土姓者言錫之土以立國錫之姓以立宗左傳所謂天子建德因生以纂註林氏曰水土平可賜姓胙之土而命之氏者也契封於商賜姓子稷封於邠賜姓姬有土有姓昔固有矣至是徧錫之祗台德先不距朕

行台我距違也禹平水土定土賦建諸侯治已定功已成矣當此之時惟敬德以先天下則天下自不能違

越我之纂註陳氏曰台朕皆史氏我其君上也○王氏曰台曰朕皆禹自言指台朕為堯舜

非經意也

五百里甸服百里賦納總二百里納銍三百里納

秸服四百里粟五百里米

甸服畿內之地也甸田服事也以皆田賦之事故謂之甸

服五百里者王城之外四面皆五百里也禾本全曰總刈禾曰銍半稾也半稾去皮曰秸謂之服者三百里內

去王城為近非惟納總銍秸而又使之服輸將之事也獨於秸言之者總前二者而言也粟穀也內百里為最

近故并禾本總賦之外百里次之只刈禾半稾納也外百里又次之去稾麤皮納也外百里為遠去其穗而納

穀外百里為尤遠去其穀而納米蓋量其地之遠近而為納賦之輕重精麤也此分甸服五百里而為五等者

也輯錄

里者乃道在遠近之數非方井之里也甸治田也畿內天子之田其民主為天子治田事故謂

之甸服蓋近麤而遠精近者易致遠者難致故也畿內專言田賦者畿內不封諸侯故田賦入天子然五服事

各不同亦舉凡例纂註

張氏曰此以下因水土既平而

互相見

東齊集傳

纂註

言弼成五服之事服服其事也

內而甸侯綏外而要荒莫不各服其事於天子故皆謂之服○孔氏曰甸服為天子服治田禾稟曰總供飼國

馬○唐孔氏曰鉦鍾也用以刈故以鉦表禾穗稻言服

舉中以明上下侯服以外貢不入穀甸主治田故服名

甸○蘇氏曰獨言甸服之賦者內詳王賦之法而諸侯

可推也○陳氏大猷曰禹之甸法達於天下詩奕奕梁

山維禹甸之傳少康有田一成皆甸法也王畿獨以甸

名服者農事國之本也京師聲名文物之所萃四方百

貨之所聚其民易以棄本逐末制名甸服示天下以務

本重穀也○新安陳氏曰或謂服如國服之服他有服

役不但輸將或又謂結只納稟以此三百里在遠近之

中故使只納稟而服輸將之役也○碧梧馬氏曰結服

之服先儒多以服字就結字上解結稟也若去禾中之

粟未而納空稟惟使之服輸將之事是其賦輕於四百

之服先儒多以服字就結字上解結稟也若去禾中之



里五百里矣若存禾中之粟米而又納橐又服輸將之事是其賦重於百里二百里矣惟蔡傳摘出服字以為總前二者言之為通蓋孔氏亦以此明上下服並皆有所納之後矣第孔氏說以服字貫總銓粟米言之文勢為礙

五百里侯服百里采二百里男邦三百里諸侯

服侯

者侯國之服甸服外四面又各五百里也采者卿大夫邑地男邦男爵小國也諸侯諸侯之爵大國次國也先小國而後大國者大可以禦外侮小得以輯錄第二之安內附也此分侯服五百里而為三等也輯錄百里為男爵之國○三百里謂自三至五為百里者三隨文生例不可拘也○侯服惟言邑國者畿外主於封侯亦互相見並東纂註呂氏曰采邑如今之職田言男則五百

齊集傳

纂註

子在其間言侯則公伯在其間

五百

里綏服三百里揆文教二百里奮武衛

綏安也謂之綏者漸遠王畿而

取撫安之義侯服外四面又各五百里也揆度也綏服內取王城千里外取荒服千里介於內外之間故以內三百里揆文教外二百里奮武衛文以治內武以治外聖人所以嚴華夏之辨者如此此分綏服五百里而為二等

**纂註**

陳氏大猷曰

綏服內安中國外安邊疆也內三百里非全無武衛以文教為主外二百里

非全無文教以武衛為主文教以善其生武衛以護其生民斯安矣又曰武以衛言保護而已治世武事易弛故奮以修之聖人不黷武亦不廢武也與後世恃小廉而銷兵者異矣。林氏曰漢魏使外夷入居中國障塞之地至西晉有劉石之禍石晉以盧龍賂契丹至重貴有邪律之難綏服嚴華夷之辨萬世不易之法也

**百里要服三百里夷二百里蔡**

要服去王畿已遠皆夷狄之地其文法略於中

國謂之要者取要約之義特羈靡之而已綏服外四面又各五百里也蔡放也左傳云蔡蔡叔是也流放罪人

於此也此分要服五  
百里而為二等也  
**五百里荒服三百里蠻二百里流**

荒服去王畿益遠而經略之者視要服為尤略也以其  
荒野故謂之荒服要服外四面又各五百里也流流放  
罪人之地蔡與流皆所以處罪人而罪有輕重故地有  
遠近之別也此分荒服五百里而為二等也○今案每  
服五百里五服則二千五百里南北東西相距五千里  
故益稷篇言弼成五服至于五千然堯都冀州冀之北  
境并雲中涿易亦恐無二千五百里藉使有之亦皆沙  
漠不毛之地而東南財賦所出則反棄於要荒以地勢  
考之殊未可曉但意古今土地盛衰不同當舜之時冀  
北之地未必荒落如後世耳亦猶閩浙之間舊為蠻夷  
淵藪而今富庶繁衍遂為上國土地興廢不可以一時  
槩也周制九畿曰侯甸男采衛蠻夷鎮藩每畿亦五百  
里而王畿又不在其中併之則一方五千里四方相距  
為萬里蓋倍禹服之數也漢地志亦言東西九千里南

北一萬三千里先儒皆疑禹服之狹而周漢地廣或以周服里數皆以方言或以古今尺有長短或以為禹直方計而後世以人迹屈曲取之要之皆非的論蓋禹聲教所及則地盡四海而其疆理則止以五服為制至荒服之外又別為區畫如所謂咸建五長是已若周漢則盡其地之所至而疆畫之也纂註王氏曰無中國禮法易而已蠻慢也甚於夷矣。林氏曰記言東夷西戎南蠻北狄相對而言則有四名舉一二言則皆可通如四夷來王蠻夷率服是也此處不必拘東夷南蠻之名夷易蠻慢之訓其或然歟。馬氏曰甸侯綏為中國要荒已為夷狄聖人之治詳內略外觀五服名義可見治中國則法度宜詳治以必治也治夷蠻則法度宜略治以不治也觀至于五千見德化之遠及觀要荒二服見法度之不泛及聖人不務廣地而勤遠略可見矣。○曾氏曰周之九服述者終不能大異於作者周之王畿即禹之甸服侯服甸服即禹之侯服男服采服

即禹之綏服衛服介於其中即綏服之奮武衛蠻服夷服即禹之要服鎮服藩服即禹之荒服也○王制西不盡流沙南不盡衡山東不盡東海北不盡恒山應氏曰東海在中國封疆內西南北海則遠在夷徼之外南獨以江與衡山為限蓋百粵未盡開也惟河舉東西南北河流縈帶中國也自秦而上西北袤而東南感自秦而下東南展而西北縮此古今天地之大運也當先王時四方各有不盡之地聽四夷居之不勞中國以事外也

東漸于海西被于流沙朔南暨聲教訖于四海禹錫玄

圭告厥成功

漸漬被覆暨及也地有遠近故言有淺深也聲謂風聲教謂教化林氏曰振舉於此

而遠者聞焉故謂之聲軌範於此而遠者效焉故謂之教上言五服之制此言聲教所及蓋法制有限而教化無窮也錫與師錫之錫同水土既平禹以玄圭為贄而告成功于舜也水色黑故圭以玄圭纂註林氏

曰此又推聖化所極至而言之漸如水之漸漬被如衣之被覆朔南不言所至以下文四海見之也漸被暨皆言聲教所加無分遠近輕重特變文耳○陳氏大猷曰聖人政事所治詳內略外不求盡於四海而道德所化則無內外之限而必極於四海自禹敷土而下槩舉治水規模言之自冀州而下以帝都為主自東而西區別九州之疆域言之自導岍而下則自西而東貫串九州之山水言之自九州攸同而下則總合九州成績言之自五百里甸服而下則以成五服自內及外言之自東漸而下則遠舉四極言之以至於告成功而終焉經緯錯綜法度森嚴非聖經不及此○新安陳氏曰禹貢一書雖紀平水土制貢賦之事而有躬行教化之精微寓焉曰祇台德先不距朕行躬行心得以為教化之本者也曰文教曰聲教教化之流行而躬行之效驗也後之山經地志與夫財用之書有是哉○愚謂禹貢紀禹治水之規模次第與水平後任土作貢之法及弼成五服

之事自黃帝畫野分州九州封域已定矣禹治水復取高山大川以別識之使各州之官率民以趨事也其始於冀州非徒以帝都為先蓋水患皆因下流壅塞而然禹先用功於下流以疏其壅塞之勢然後用功於上流以濬其發源之地下流有所歸則上流有所殺矣天下大勢西北高而東南下九水惟河為大水患惟河為急河始入於雍而經於冀則冀當河之下流而兗又其下流之入海處所以禹之功役自冀而兗則疏河之下流也自兗而青則疏濟之下流也自青而徐則疏淮之下流也自揚而荆則疏江漢之下流也河濟淮江漢五水之下流既通水患之平已十去七八矣然上流不濬則猶有壅塞之患於是自荆而豫以濬伊洛之源自豫而梁以濬江漢之源自梁而雍以濬河渭之源從北而東從東而南從南而西從西而北始於河終於河聖人之能事畢矣然猶未也辨土地之宜定貢篚之品不彊其所無也分田產之等立賦歛之法取於民有制也甸

服之內天子自治侯服之外以封諸侯又所以分民而理也至於禽獸夷狄遐方異類亦使之各得其所仁之至義之盡也故一書之中觀其規模次第若事乎法度之維持求其綱領樞機實關乎德行之感化故曰祗台德先不距朕行讀禹貢者毋徒知作貢之法當求其祗德之心

### 甘誓

甘地名有扈氏國之南郊也在扶風鄠縣

意嚴其坐作進退之節所以一衆志而起其怠也誓師于甘故以甘誓名篇書有六體誓其一也今文古文皆有○案有扈夏同姓之國史記曰啓立有扈不服遂滅之唐孔氏因謂堯舜受禪啓獨繼父以是亦臆度之耳左傳昭公元年趙孟曰虞有三苗夏有觀扈商有姓邳周有徐奄則有扈亦纂註左傳釋音觀去聲姓三苗徐奄之類也

先上聲又洗邳音皮



# 大戰于甘乃召六卿

六卿六卿之卿也案周禮卿大夫每卿卿一人六卿六卿平居無事

則各掌其鄉之政教禁令而屬於大司徒有事出征則各率其鄉之一萬二千五百人而屬於大司馬所謂軍

將皆卿者是也意夏制亦如此古者四方有變專責之方伯方伯不能討然後天子親征之天子之兵有征無

戰今啓既親率六軍以出而又書大戰于甘則有扈之怙強稔惡敢與天子抗衡豈特孟子所謂六師移之者

書曰大戰蓋所以深著有扈不臣纂註李氏曰六卿非之罪而為天下後世諸侯之戒也纂註自冢宰至司空

之六卿也周禮云云見傳蓋王之六卿別有此六卿也若以為六卿分職之六卿無緣冢宰亦屬於司馬知其

非也○新安胡氏曰此書固見有王曰嗟六事之人予扈之不臣亦見啓之尚能為君

## 誓告汝

重其事故嗟歎而告之六事者非纂註李氏曰但六卿有事於六軍者皆是也

咨其後變為嗟屑征嗟予有有扈氏威侮五行怠棄三衆湯誥嗟爾萬方有衆皆是

正天用勦絕其命今予惟恭行天之罰

威暴殄之也侮輕忽之也繇汨

五行而殛死況於威侮之者乎三正子丑寅之正也夏正建寅怠棄者不用正朔也有扈氏暴殄天物輕忽不

敬廢棄正朔虐下背上獲罪于天天用勦絕其命今我伐之惟敬行天之罰而已今案此章則三正迭建其來

久矣舜協時月正日亦所以一正朔也子丑之建唐虞之前當已有之

**纂註**

孔氏曰自此至篇終皆誓

辭○呂氏曰五行之氣散在天地間秀者為人偏者為物殘民殄物威侮之實也○陳氏大猷曰凡背五常之

道拂生長斂藏之宜皆威侮五行也○孔氏曰惰廢天地人之正道言亂常也○馬氏曰建子丑寅三正也○

林氏曰商方有改正朔事夏以前未有也要之但言其廢三綱五常耳○夏氏曰董仲舒謂舜紹堯順天道改

正朔易服色此非夏以前事乎○王氏炎曰夫子論孝子產論禮皆曰天之經地之義民之行三正不過如此堯校時以寅為正月舜禹因之堯舜之前安有子丑二正○陳氏大猷曰使果不用正朔亦豈應言三正仲舒所云乃漢儒多喜言改正朔耳○新安陳氏曰商以前若果無子丑二正則是自古以來皆建寅孔子何獨言行夏之時乎或謂威侮五行為威侮五行之理蓋仁為木之神愛之理之類是慢五常也急棄三正是棄三綱也二說姑兼存之蔡氏以暴殄天物為威侮五行是偏以質具於地之五行言之陳氏兼以氣行於天之五行與五行之理言

左不攻于左汝不恭命右不攻于右汝不恭命

御非其馬之正汝不恭命

左車左右車右也攻治也古者車戰之法甲士三人一居

左以主射一居右以主擊刺御者居中以主馬之馳驅也左傳宣公十二年楚許伯御樂伯攝叔為右以致晉

師樂伯曰吾聞致師者左射以菆是車左主射也攝叔  
曰吾聞致師者右入壘折馘執俘而還是車右主擊刺  
也御非其馬之正猶王良所謂詭遇也蓋左右不治其  
事與御非其馬之正皆足以致敗故各指其人以責其  
事而欲各盡其職而不敢忽也

**纂註**

玉篇菆側鳩反矢之善者

**用命賞于祖弗用命**

**戮于社子則孥戮汝**

戮殺也禮曰天子巡狩以遷廟主行左傳軍行祓社釁鼓然則天子

親征必載其遷廟之主與其社主以行以示賞戮之不  
敢專也祖左陽也故賞于祖社右陰也故戮于社孥子  
也孥戮與上戮字同義言若不用命不但戮及汝身將  
併汝妻子而戮之戰危事也不重其法則無以整肅其  
衆而使赴功也或曰戮辱也孥戮猶秋官司厲孥男子  
以為罪隸之孥古人以辱為戮謂戮辱之以為孥耳古  
者罰弗及嗣孥戮之刑非三代之所宜有也案此說固  
為有理然以上句考之不應一戮而二義蓋罰弗及嗣

者常刑也予則孥戮者非常刑也常刑則愛克厥威非常  
常刑則威克厥愛盤庚遷都尚有剝殄滅之無遺育之  
語則啓之誓纂註新安陳氏曰恭行天之罰一言與汝  
師豈為過哉恭命之三言然後知恭之一字為  
此篇之綱領有扈之威侮急棄不恭故也啓之行天罰  
以恭為本我恭天之命左右御當恭我之命用命而賞  
賞其恭命者也不用命而戮戮其不恭命者也賞與戮  
不敢自專必行之於祖與社皆致其恭也恭敬者百聖  
相傳之心法啓之恭敬之心即禹祗承之心也啓賢能  
敬承繼禹之道於此亦可見云○吳氏泳曰甘誓一篇  
僅八十字而其間六軍之制車乘之法邦國賞刑之典  
誓師之辭靡不明備蓋古人之學精麤本末不廢啓雖  
承堯舜禹傳道之後而干戈行陳之事亦曾從家學素  
講明來一傳至仲康而胤征所言亦可以考當時人物  
軍旅官名制度乃知明明我祖萬邦之君有典有則貽  
厥子孫真至言哉○武夷熊氏曰予讀甘誓未嘗不歎

帝德之衰王風之變也史記曰啓立有扈不服故伐之唐孔氏曰堯舜禪受啓獨繼父以是不服司馬遷聞見猶建古其言又有證蔡氏以此為臆度之說取左氏夏有觀扈比三苗徐奄之類以為此誓不過紀討叛伐罪之意嚴生作進退之節耳然則此亦常事聖人亦何取而繫之書也愚竊以謂典謨所載其大節乃堯舜禹受禪之事未及於傳子也且征苗一事不過直往正其罪耳豈有諸侯敢與天子抗而至於交戰也哉序云大戰于甘聖人之心斷可識矣聖人亦知夫傳賢之不可以繼也幸而為天下得人而皆如舜之繼堯禹之繼舜也則亦善矣風氣益薄壽考不常高位奸窺大雄邪伺聖賢少而奸雄多聖人奈何而不為後世深慮也與其傳賢而不可繼孰若傳子定嫡而民猶有定志哉於是立綱陳紀以定一代之法度子之賢固善矣使中才庸主猶可持循勿失以保世道之小康不幸而有奸大惡如桀紂之暴則必有湯武者出奉天討而誅之矣此聖

人公天下之心也甘誓之作此世運升降之一大機也  
帝降而王在此一簡王風一變帝德遂衰此讀書者因  
有感於此矣愚嘗聞之師曰禹傳子之後天下便是半  
死半活世界不恃人而恃法其弊固至此哉胡文定傳  
春秋謂孔子兼帝王之法當傳賢則傳賢當傳子則傳  
子此固正論然嫡可前定賢不可前定而亦何所守以  
定天下之民志哉傳子以嫡使民無異志而又教之得  
其道輔之得其人上焉如伊周之於太甲成王也次焉  
如霍葛之於孝宣昭烈也隆師保之任嚴教諭之法則  
亦庶乎其可矣○愚謂堯以天下讓舜舜以天下讓禹  
至於羣后德讓丹朱以傲虐猶執賓禮於虞廷有苗以  
昏迷尚惑文德而至格聖德神化如洪爐大冶豈復有  
銷鑠不盡之頑礦哉以啓之賢繼禹之道而有扈小臣  
敢於抗天子勇於拒王師史官作書曰大戰于甘所以  
深著有扈之罪也於此而不聲罪致討則亂臣賊子何  
所懼哉以此知天下之患雖小不可忽也前人之功雖

大不可恃也在我而已矣世固有蒙祖父之烈虐用其民而顧自信人之不叛已者吁奚可哉彼有功於天地生民者莫若禹能敬承繼禹之道者莫若啓猶有有扈氏之亂況不如禹啓父子者乎吁萬世可以鑒矣抑愚又有感焉天下雖安忘戰必危禹自征苗以來未嘗用師軍旅之事宜啓所未聞也而一旦赫然以征有扈召六卿而誓與會羣后而誓者同科威侮五行怠棄三正與侮慢自賢反道敗德者同意恭行天罰用命不用命與奉將天罰爾尚一乃心力者同辭盖宛然神考家法也然則禹固不以天下為無事而不訓以兵啓亦不以天下為無事而不習於兵講之以豫用之以節斯其為王者之師歟

## 五子之歌

五子太康之弟也歌與帝舜作歌之歌同義今文無古文有

纂註

張氏曰美哉禹功明德遠矣再傳至太康一盤遊田便至失國以禹之德之功不能蓋也為人



君可少  
肆乎

太康尸位以逸豫滅厥德黎民咸貳乃盤遊無度畋于

有洛之表十旬弗反

太康啓之子尸如祭祀之尸謂居其位而不為其事如舌人所謂尸

祿尸官者也豫樂也夏諺曰吾王不遊吾何以休吾王不豫吾何以助一遊一豫為諸侯度夏之先王非不遊豫蓋有其節皆所以為民非若太康以逸豫而滅其德也民咸貳心而太康猶不知悔乃安於遊畋之無度言其遠則至于洛水之南言其久則十旬而弗反是則太康自棄其國矣  
**纂註**  
新安胡氏曰此史序五子作歌之由能敬必有德逸豫則急勝敬所以至滅其德

有窮后羿因民弗忍距于

河

窮國名羿窮國君之名也或曰羿善射者之名賈逵說文羿帝嚳射官故其後善射者皆謂之羿有窮之

君亦善射故以羿目之也羿因民不堪命距太康于河北使不得返遂廢之

纂註

林氏曰觀左傳魏絳

數羿之失曰淫于原獸曰將歸自田家衆殺而烹之羿與太康實無以異○呂氏曰姦雄何代無之我之勢固

彼無因而入苟有間隙彼必投之羿之變所以因民弗忍也因者明禍亂之本在此不在彼也秦不築長城起阿房勝廣何所因隋不伐遼東遊江都李密王世充何所因又曰禹都安邑河北也

厥弟五人御

其母以從奚于洛之汭五子咸怨述大禹之戒以作歌

御侍也怨如孟子所謂小弁之怨親親也小弁之詩父子之怨五子之歌兄弟之怨親之過大而不怨是愈踈也五子知宗廟社稷危亡之不可救母子兄弟離散之不可保憂愁鬱悒慷慨感厲情不自已發為詩歌推其亡國敗家之由皆原於荒棄皇祖之訓雖其五章之間非盡述皇祖之戒然其先後終始互相發明史臣以其

作歌之意序於五章之首後世序詩者每篇  
皆有小序以言其作詩之義其原蓋出諸此纂註曰五

子之歌當以詩體觀不當以書體觀五子之歌一章切  
於一章一章述禹敬民之訓二章自咎取亡之道三章

痛惜冀都之業四章反覆家緒之本末五章盡取憂愧  
歸之於已其情極矣欲觀詩者當先觀書觀舜皋之歌

則見詩之雅頌觀五子之歌則見詩之變風變雅。陳  
氏大猷曰五章俯仰節奏怨而不怒真溫柔敦厚可以

怨者其一曰皇祖有訓民可近不可下民惟邦本本固

邦寧此禹之訓也皇大也君之與民以勢而言則尊卑

體之相資以生也故勢踈則離情親則合以其親故謂  
之近以其踈故謂之下言其可親而不可踈之也且民

者國之本本固而後國安本既不固則雖強如秦富如  
隋終亦滅亡而已矣其一其二或長幼之序或作歌之

序不可

纂註

新安陳氏曰五歌節奏有序若出於一意者五子相與共為此歌未必一歌必出一

子而循少長之序為之也否則出於夏史潤色次第歟

予視天下愚夫愚婦一能

勝予一人三失怨豈在明不見是圖予臨兆民慄乎若

朽索之馭六馬為人上者奈何不敬

予五子自稱也君失人心則為獨夫

獨夫則愚夫愚婦一能勝我矣三失者言所失衆也民心怨背豈待其彰著而後知之當於事幾未形之時而圖之也朽腐也朽索易絕六馬易驚朽索固非可以馭馬也以喻其危懼可畏之甚為人上者奈何而不敬乎

前既引禹之訓言此則以已之不

纂註

陳氏大猷曰失足恃民之可畏者申結其義也

復改矣頻復之凶也民怨之蓄必深矣。林氏曰朽索馭六馬猶晉人作危語。○新安陳氏曰古車一乘四馬

兩服兩驂天子車六馬服驂之旁加兩駢也馬在車中為服在車外為驂在驂外為駢。陸氏佃曰天子之車盛則駕六常則駕四。陳氏經曰此章言國以民為本君之固結民心以敬為本以見太康失邦由失民心失民心由於逸。其二曰訓有之內作色荒外作禽荒甘酒豫不敬也。

嗜音峻宇彫牆有一於此未或不亡

此亦禹之訓也色荒惑嬖寵也禽荒

耽遊畋也荒者迷亂之謂酣嗜皆無厭也峻高大也宇棟宇也彫繪飾也言六者有其一皆足以致滅亡也禹之訓昭明如此而太康獨不念之乎此纂註林氏曰此

章首尾意義已明故不復申結之也上章皇祖有訓也。王氏十朋曰三風十愆君有一于身國必亡與此同意。真氏曰大禹之訓凡六言二十有四字爾而古今亂亡之釁靡不由之凜乎其不可犯也古詩之體實源乎此意者大禹為之使子孫誦而傳

之乎為人主者以此大訓揭之座隅銘之楹席若  
古聖人儼臨乎前則保國之金湯全生之藥石也其三

曰惟彼陶唐有此冀方今失厥道亂其紀綱乃底滅亡

堯初為唐侯後為天子都陶故曰陶唐堯授舜舜授禹  
皆都冀州言冀方者舉中以包外也大者為綱小者為  
紀底致也堯舜禹相授一道以有天下今太康失其道  
而紊亂其紀綱以致滅亡也。又案左氏所引惟彼陶  
唐之下有帥彼天常一語厥道纂註陳氏大猷曰道者  
作其行乃底滅亡作乃滅而亡纂註君天下之本紀綱  
者維持天下之制。其四曰明明我祖萬邦之君有典  
左氏所引見襄五

有則貽厥子孫闕石和鈞王府則有荒隆厥緒覆宗絕

祀明明明而又明也我祖禹也典猶周之六典則猶周  
之八則所以治天下之典章法度也貽遺闕通和平

也百二十斤為石三十斤為鈞鈞與石五權之最重者也闢通以見彼此通同無折閱之意和平以見人情兩平無乖爭之意言禹以明明之德君臨天下典則法度所以貽後世者如此至於鈞石之設所以一天下之輕重而立民信者王府亦有之其為子孫後世慮可謂詳且遠矣奈何太康荒墜其緒覆其宗而絕其祀乎○又崇法度之制始於權權與物鈞而生衡衡運生規規圓生矩矩方生繩繩直生準是權衡者又法度之所自出也故以鈞輯錄問闕石和鈞恐只是鈞石之名如纂註石言之輯錄周禮嘉量之類曰恐是荅潘子善纂註穀齋沈氏曰經常無詭是之謂典中正有準是之謂則○節初齊氏曰以理言則以君臣父子兄弟夫婦朋友為五典是也就事言則以堯舜所行為二典是也動則隨時取中靜則守正不移而皆自然有以為之準此所謂事理當然之極也言其物之當然者其五曰嗚呼曷則曰物則言其理之自然者則曰天則

歸予懷之悲萬姓仇予予將疇依鬱陶乎予心顏厚有

忸怩弗慎厥德雖悔可追

曷何也嗚呼曷歸歎息無地之可歸也予將疇依彷徨無

人之可依也為君至此亦可哀矣仇予之予指太康也指太康而謂之予者不忍斥言忠厚之至也鬱陶哀思

也顏厚愧之見於色也忸怩愧之發於心也可追言不可追也

纂註

林氏曰曷歸者太康也五子則曰予

之悲民仇者太康也五子則曰仇予仁人之於兄弟榮辱一體有邦則同其安榮失邦則同其危辱親愛之至

情也○施氏曰五子之怨不深尤太康乃若其身親為不善以致之者非其仁愛之意充於中而發見於外安

能若是孔子於書取此歌於詩取小弁其意一也○陳氏大猷曰五子不咎羿而曰萬姓仇予不咎萬姓而曰

弗慎厥德不咎太康而惟自怨自艾所謂怨而不怒也太康失國因於不敬慎爾故五子之歌始之曰奈何不



敬終之曰弗慎厥德以是始終焉乃一篇之綱領也故曰敬勝怠者吉怠勝敬者滅○愚謂聖人言善惡成敗猶醫師之辨藥性法司之明律令某物食之殺人某事犯之致死不吾欺矣輕生者不顧而身試之卒至禍敗其太康之謂歟禹之訓色荒禽荒酣酒嗜音峻宇彫牆有一于此未或不亡太康一犯禽荒之戒竟以失邦如食殺人而致死之刑何其嚴而不可違如此哉禹訓之嚴太康雖不悟然後之為君者有所警焉所以四百年而後有桀千有餘年而後有紂不然如太康者豈若是疎乎

脗征

脗國名孟子曰征者上伐下也此以征名實即誓也仲康丁有夏中衰之運羿執國

政社稷安危在其掌握而仲康能命脗侯以掌六師脗侯能承仲康以討有罪是雖未能行羿不道之誅明義和黨惡之罪然當國命中絕之際而能舉師伐罪猶為禮樂征伐之自天子出

也夫子所以錄其書者以是歟今文無古文有  
○或曰蘇氏以為義和貳於羿忠於夏者故羿  
假仲康之命命胤侯征之今案篇首言仲康肇  
位四海胤侯命掌六師又曰胤侯承王命徂征  
詳其文意蓋史臣善仲康能命將遣師胤侯能  
承命致討未見貶仲康不能制命而罪胤侯之  
為專征也若果為篡羿之書則亂臣  
賊子所為孔子亦取之為後世法乎

惟仲康肇位四海胤侯命掌六師義和廢厥職酒荒于

厥邑胤后承王命徂征

仲康太康之弟胤侯國之侯  
命掌六師命為大司馬也仲康

始即位即命胤侯以掌六師次年方有征義和之命必  
本始而言者蓋史臣善仲康肇位之時已能收其兵權  
故義和之征猶能自天子出也林氏曰羿廢太康而立  
仲康然其篡也乃在相之世仲康不為羿所篡至其子

相然後見篡是則仲康猶有以制之也羿之立仲康也  
方將執其禮樂征伐之權以號令天下而仲康即位之  
始即能命胤侯掌六師以收其兵權如漢文帝入自代  
邸即皇帝位夜拜宋昌為衛將軍鎮撫南北軍之類義  
和之罪雖曰沈亂于酒然黨惡於羿同惡相濟故胤侯  
承王命往征之以翦羿羽翼故終仲康之世羿不得以  
逞使仲康盡失其權則羿之篡夏豈待相而後敢邪義  
氏和氏夏合為一官曰胤后者諸侯入為王朝公卿如  
禹稷伯夷輯錄問東坡疑胤征曰袁道潔考得是太康  
謂之后也輯錄失河北至相方失河南然亦疑義和是  
箇歷官曠職誅之可也何至誓師如此纂註左傳曰羿  
大抵古書之不可考皆此類也大雅逐太康立  
其弟仲康在位十四年崩子相立。林氏曰義和夏為  
一官至周不復稱義和而為馮相保章氏隸於大宗伯  
其任又輕於夏矣太史公曰文史星歷近乎卜祝之間  
主上所戲弄倡優畜之愈益輕矣。息齋余氏曰傳云

仲康始即位即命胤侯以掌六師次年方有征羲和之命其曰始即位以肇位言也其曰次年則不復著其所據後又引唐志曰日蝕在仲康即位之五年當何所折衷歟今索經世書以征羲和為仲康元年事則是即位之次年也古者逾年改元告于衆曰嗟予有衆聖有謨訓明徵定保

先王克謹天戒臣人克有常憲百官修輔厥后惟明明徵驗保安也聖人訓謨明有徵驗可以定安邦國也下文即謨訓之語天戒日蝕之類謹者恐懼修省以消變異也常憲者奉法修職以供乃事也君能謹天戒於上臣能有常憲於下百官之衆各修其職以輔其君故君內無失德外無失政此其所以為明明后也又索日蝕有君弱臣強之象后羿專政之戒也羲和掌日月之官黨羿而不言篡註王氏曰使羲和守常憲以修輔則仲是可赦乎纂註康得慎天戒而修省矣今畔官離次

不知有日蝕之變則是不有常憲  
昧先聖之謨訓安能免於誅乎

每歲孟春道人以木

鐸徇于路官師相規工執藝事以諫其或不恭邦有常

刑

適人宣令之官木鐸金口木舌施政教時振以警衆也周禮小宰之職正歲帥治官之屬徇以木鐸曰不

用法者國有常刑亦此意也官以職言師以道言規正也相規云者胥教誨也工百工也百工技藝之事至理存焉理無往而不在故言無微而可略也孟子曰責難於君謂之恭官師百工不能規諫是謂不恭不恭之罪猶有常刑而況於畔官

惟時義和顛覆厥德沈亂于酒

離次俶擾天紀者乎

畔官離次俶擾天紀遐棄厥司乃季秋月朔辰弗集于

房鼗奏鼓嗇夫馳庶人走義和尸厥官罔聞知昏迷于

天象以干先王之誅政典曰先時者殺無赦不及時者

殺無赦

次位也官以職言次以位言畔官則亂其所治之職離次則舍其所居之位倣始擾亂也天紀

即洪範所謂歲月日星辰歷數是也蓋自堯舜命羲和歷象日月星辰之後為羲和者世守其職未嘗紊亂至是始亂其天紀焉遐遠也遠棄其所司之事也辰日月會次之名房所次之宿也集漢書作輯集輯通用言日月會次不相和輯而掩蝕於房宿也案唐志日蝕在仲康即位之五年瞽樂官以其無目而審於音也奏進也古者日蝕則伐鼓用幣以救之春秋傳曰惟正陽之月則然餘則否今季秋而行此禮夏禮與周異也晉夫小臣也漢有上林晉夫庶人庶人之在官者周禮庭氏救日之弓矢晉夫庶人蓋供救日之百役者曰馳曰走者以見日蝕之變天子恐懼于上晉夫庶人奔走于下以助救日如此其急義和為歷象之官尸居其位若無聞

知則其昏迷天象以干先王之誅豈特不恭之刑而已哉政典先王政治之典籍也先時後時皆違制失時當誅而不赦者也今日蝕之變如此而義輯錄日月一歲和罔聞知是固干先王後時之誅矣凡十二會

方會則日光都盡而為晦已會則月光復蕪而為朔朔後晦前各十五日日月相對則月光正滿而為望晦朔日月之合東西同度南北同道則月揜日而日為之食望而日月之對同度同道則月抗日而月為之食是皆有常度矣王者修德行政能使陽盛足以勝陰陰衰不能侵陽則日月之行雖或當食而月常避日故其遲速高下必有參差而不正相對者所以當食而不食也若國無政不用善則陰盛陽微當食必食雖曰有常度而實為非常之變矣詩傳義剛問生明生魄先生曰云云又曰魄加日之上則日食在日之後無食謂之晦朔則日月相並又問月食如何先生曰至明中有暗處其暗至微望之時月與之正對無分毫相差月為暗處所射

故食雖是陽勝陰畢竟不好若陰有退避之意則不相敵而不成食矣先時者殺無赦不及時者殺無赦林

氏謂是警衆之辭非言昏迷天象之人未知是否先生曰以上文考之林說非是然此篇自可疑當闕之荅潘

子纂註

蘇氏曰官局所在曰次。孔氏曰房所舍之次。唐孔氏曰房如房室之房謂日月所舍之處

九月之朔日月當會於大火之次或以房為房星房心為大火似矣然集是止舍之處言其不集于舍故得以表日食若言不集于房星惟見歷錯不表日食以此知非房星。新安陳氏曰房有二說近代善歷者推仲康時九月合朔已過房心北矣據左傳昭公十七年梓慎曰宋大辰之虛也陳太皞之虛也鄭祝融之虛也皆火房也杜預註房舍也所謂火房與此義同皆所舍之次也堯時中星已與月令不同指月令日在房者非也。孔氏曰政典若周官六卿之治典先時謂歷象之法四時節氣弦望晦朔先天時則罪死不赦不及謂歷象後



天時雖治其官苟有先後之差則無赦況廢官乎。新安陳氏曰政典有司馬掌邦政可據胤侯為大司馬故引以為言玩其辭意真誓軍旅之辭以屬下文者是今予以爾有眾奉將天罰爾

眾士同力王室尚弼予欽承天子威命

將行也我以爾眾士奉行天罰

爾其同力王室庶幾輔我以敬承天子之威命也蓋天子討而不伐諸侯伐而不討仲康之命胤侯得天子討罪之權胤侯之征義和得諸侯敵愾之義其辭直其義明非若五霸摟諸侯以伐諸侯其辭曲其義迂也火

炎崐岡玉石俱焚天吏逸德烈于猛火殲厥渠魁脅從

罔治舊染汙俗咸與惟新

崐出玉山名岡山脊也逸過渠大也言火炎崐岡不辨玉石

石之美惡而焚之苟為天吏而有過逸之德不擇人之善惡而戮之其害有甚於猛火不辨玉石也今我但誅

首惡之魁而已。脅從之黨，則罔治之。舊染污習之人，亦皆赦而新之。其誅惡宥善，是猶王者之師也。今案脅從，始稱義和之罪，止以其畔官離次，假擾天紀。至是有脅從，舊染之語，則知義和之罪當不止於廢時亂日。是必聚不逞之人，崇飲私邑，以為亂黨，助昇為惡者也。脅後徂征，隱其叛逆而不言者，蓋正名其罪，則必鋤根除源。而仲康之勢有未足以制后羿者，故止。纂註：薛氏曰：殲責其曠職之罪，而實誅其不臣之心也。纂註：渠魁義也。赦脅從仁也。所以為王者之師。嗚呼！威克厥愛，允濟；愛克厥威，允罔功。

其爾衆士懋戒哉

威者嚴明之謂，愛者姑息之謂。記曰：軍旅主威，蓋軍法不可以不嚴嚴明。

勝則信其事之必濟，姑息勝則信其功之無成。誓師之末而復嗟歎，以是深警之，欲其勉力戒懼而用命也。

纂註

愚謂：太康失邦，仲康肇位，正天下，後望新政之日也。義和天官所主，歷象而乃沈亂于酒畔，官離次。

倣擾天紀遐棄厥司至於日食大變尚罔聞知此而不  
誅何以責其餘哉胤侯之征所不能免也曰承王命徂  
征征伐自天子出也曰干先王之誅法令自先王制也  
曰以爾有衆奉將天罰有罪乃天所討也將帥奉天子  
之命天子奉天與先王之命仲康莅政之始命將出師  
而胤侯之誓如此則大本正大權立而大奸懼矣其克  
嗣祖考也宜哉然義和在堯時為四子既總於一人有  
司于朝有邑于野酒失職黜之可矣何至上煩王師  
之征無亦棄厥司荒厥邑羣飲凶酗不可教誨故不得  
不然邪其曰殲厥渠魁脅從罔治舊染汚俗咸與惟新  
則脅衆以拒命染惡以成風已非一日傳謂  
助羿為惡特隱其叛逆而不言者豈不當哉

書傳輯錄纂注卷二

謹案第十頁前二行狙獾案狙獾當是濰獲之訛  
第十三頁後七行泰山南武陽刊本山訛公又脫  
南字今據漢地理志改

第三十四頁後二行傳陽山刊本訛博陽山今據  
漢地理志改

第三十八頁前三行河上播而為九刊本上訛尚  
今改

第三十九頁後八行溫縣刊本訛溫州據宋地理

志改

第四十頁前八行蘧按蘧當作蓬俗本左傳因  
上有蘧字而誤





總校官庶吉士臣張能照

校對官編修臣朱依魯

謄錄監生臣楊邦彥